

Rommi Chostshogsla Paului Chagđis.

Rommi chostshogsla Paului chagđissi skor.

Inna chagđis tarj sñunme chostshogssi uskyonğun gyudte, ñadanña i chagđispo Tsoo Yeshu mashike skutshabs Paului ñia dzadkhanbo gyus chanog.

Chossi narña khaspagunni, i chagđis tarj zhanyarj chagđisgunla stsarcod cocespo, Paului i chagđispo Mashika tonste sontea zhanste stinje halam lo 22 ya 23 nyekhorla, khonj Korinthe narña yod zane, ñia dzadkhanbo hagoanog.

Paului i chagđispo zhanyarj chagđisgunni sarj sosozhig yodte innog. Zhan chagđisgunni narña khonji chostshogssi narña yodkhanni zusme labzha ya sdigpa gunne spanjudte tarjpo lammika logste khyoncesla ñia dzads. Innarj i chagđissi gozugspoeka (1:16-17) khonji tadpe skorla denbagunni dordusshig, yarj chagđissi luskhanni khagpo narña teboe skorla marña zhimalsa coste ñiadzads.

I chagđissi gome liu gyadpe narña Paului zhimalsa coste igunni skorla ñia dzadte innog.

1. Kazuggi sdigcanzhigga tadpa gyudte tarjpo theadzadces tarj, khoe kane nyalwe chadpabo tusgyunni phia thenna dzadces gun stanna dzads. Yarj Mozessi thimsa khanyances cigpo gyudte mizhig tarjpo theadzadcespoa khonji gyabgal dzads.

2. Kazuggi tadpacan skyobkhanzhigga mitshee narña sdigpe warji kane gyalkhaa thobces tarj naste yodkhanni dampe thugnyiddi khyud gyudte dampa mitshezhih phudces gun stanna dzads.

3. Tadpacanzhigga zhagshig i sdigcan zugspobo pharjste sdigpe tshodlthe narña machakhanni zugspozhig thobces, kabo tusgyun sontea lusi.

Kaltes daga khonji Israelpagunni tadpa micocespo gyudte, Yahudapa mankhangun khonji gyalšiddi narña khyonña dzadin yodna, tene stinjuggi tusla, Konchoggi dzadkhanni thamedpe zhalchad Israelpagun, skyobba dzadcespo kazuggi ñanđaa ñubcugin? Paului teboe lanbo zhimalsa coste liu 9 ne 11 narña ñiadzadte innog.

Liu 12 ne 15 narña Paului tadpacanzhiggi zhagtarji mitshee narña khoe daga tshagpa lobskhanbo laglenla kazuggi khyoncespo zhimalsa coste labba dzads, sperna mitshe tarjpozhih phudces: tebo ni chostshogssi narña zhanma tadpacangun nyampo thunđel yarj zhurji sponbogun nyampo samtshul tarj cotshul zarjpo kazuggi borces, tadpacangunla khonji tadpe skorla skyonrjod micoces yarj zhan tadpacangunni phia phanthogscanni mitshezhih kazuggi phudces.

Paului chogsne ju zhus.**1:1 ne 7**

1 ¹I igebo ña Paulu, Mashika Yeshui tsheyog, Konchoggi Idamma dzadkhan skutshabs, gamoe nastshul shaddala lamcugga dzadkhanni chogsne in. ²Konchoggi i gamoe nastshulbo tus manpoe sñunla khorñrañji luñstonpagun gyudte, dampe sunrabssi nanña zhalchad dzadte inpin. ³Gamoe nastshulbo ni khorñrañji şassi skorla innog. Jigstenni mitshee nanña khorñ, gyalpo Dabiddi gyudne skyea dzadte ⁴dampe thugnyiddi shed gyudte shikhangunni ñone sontea lanña dzadte khorñ Konchoggi şas inkhanbo stanna dzads. Khorñ ni Yeshu Mashika, ñadañji Tsoo in. ⁵Mashika gyudte Konchoggi ñazhagunla skutshabssi tshulla, karuñsa Yahudapa mankhangunla Konchoggi coa dzadkhangun shadcessi wanña tañ stsiwa gun salla dzads. Khorñji tezug coa dzadcessi gyuntshan ni, Yahudapa mankhangunni khorñji khanyances tañ tadpa coste khorñji tshanla stsiwa khyoñcespo innog.

⁶Yañ khyozhagunnañ, Yeshu mashike khorñrañji mi Idamma dzadkhanni Yahudapa mankhangunni ñoa innog. ⁷De, Konchoggi cessa coa dzadte khorñji mi dampagun gyurcesla bodda dzadkhanni khyozhaa Rompa tşarñmala diad. Konchog ñadañgunni yab tañ Tsoo Yeshu mashike thugrje tañ semsde khyozhagunla salla dzadshig.

Konchoggi gamoe nastshul.**1:8 ne 17**

⁸Tşarñmesañ sñunla, ñe khyozhaa tşarñme phia Yeshu Mashika gyudte Konchogga thugrjeche zhuin, ciazerna mashike nanña yodkhanni khyozhe tadpe skorla jigsten ganpoe migunni spera tañdug. ⁹De moslam zhu zane khyozhagun tusgyun idtu coad, teboe spanpo Konchog in, khorñji şassi gamoe nastshulbo phelcugcesla ñe ñarañji snyinñji thilne zhabstog zhuad.

¹⁰De moslam tşarñme nanña, kaltes Konchog thuggoñssadna, ña khyozhagun nyampo thugcesla skabsshig sal zerin zhuwa phullad. ¹¹Tsooe nanña shedcan gyurcesla rogs cokhanni thugnyiddi khyudrig khyozhagunla khyoñcessi phia ñaa khyozhaa nyampo thugcesla dodpa şanñe rag. ¹²Teboe, ñe khyozhagunla, yanñ khyozhe ñaa tadpe nanña spospa skyecug thubin.

¹³Cesse spungun, ñe lan manpo khyozhagunla thugcessi thabs cospin, innanñ daga tşogpa gagste borkhanbo khyozhagunla gyus chagos sammarag. Dañ khyozhagunni ñoa las coces tañ thugnyiddi ñasbu gun Itacessi dodpa rag, kazug ñe zhanyañ Yahudapa mankhangunni ñoa thoj. ¹⁴Rissi labzhe nanña yontan yodkhan yanñ medkhan nyiskoa ya shesrabscan tañ samba medkhan nyiskoa, gamoe nastshul shadcessi khag ñaa phogte in ¹⁵pasañ, khyozhaa Rommi gyalse nanña yodkhangunlanñ gamoe nastshul shadcesla ñaa riñssarag.

¹⁶I gamoe nastshulboña ñaa thella merag, ciazerna ibo ni tadpacanni mitşarñma skyobthubcessi Konchoggi stobspo innog, tañpo Yahudapagunla tene Yahudapa

mankhangunla. ¹⁷I gamoe nastshulboe ñadañ Konchoggi skundunla kazuggi tañpo gyurcespo stannanog, kabo gozugne jugma tshogpa tadpa gyudte ñubbanog. Kazug dampe suñrabssi nañña molte yodte innog, "Tadpa gyudte mi tañpozhiigga mitshe thobbanog^a."

Sdigpeka Konchoggi thugssø.

1:18 ne 32

¹⁸Innañ khorangunni ñanpe lasgunni gyabba, denbabo kabste borkhanni mi, ñanpa tañ sdigcan tshañme gyabgalla, Konchoggi thugssø namkhane stanna dzadin innog. ¹⁹Khongunla Konchoggi denbe skorla gyusyodte innog, ciazerna khonji tegun khongunla salpo dzadte stanna dzadte inpin. ²⁰Jigsten dzadpane pharla migunni, Konchoggi dzadkhan tshañma gyudte, salpo coste, mathonkhanni khonji khyudgun thonste innog, kagun khonji thamedpe wañ tañ Konchoggi shispo innog. Tennaboephia khongunni cañ skyon cominyan.

²¹Khongunni Konchog shesin yodteañ, khonña ospe stsiwa matañs ya thugrjecheañ mazhus. Innañ Konchog kazugshig in, te skorla sambamedkhangun tsogsla samba tañces gozugs, kaboe zhaste khongun ldadpa medkhan tsogs gyurte lagmo samba tañ manyan. ²²Khongunni khorangun sambacan in zernañ, khongun bunbu tsogs gyurte innog. ²³Yañ khongunni zirrijdcan tañ tusgyun sonpo inkhanni Konchogga macolla shicescanni mi, ya cipa, ya semscan, ya ghalciggi rigs gunni zoste nañña cokhanni skunña collanog.

²⁴Teboephia Konchoggi te migun khorangunni sdigpe dodpa nañzhin cocesla phañña dzads. Teboe zhaste khongunni khorañ cig tañ ciggi zugspo nyampo khamlog tañ tshitu lasgun cos. ²⁵Khongunni Konchoggi denbe tshabsla zunme labzhagun kols, yañ jigsten dzadkhan Konchog kaboa tusgyun stodpe ospa in, amen. Khonña macolla khonji tshabsla khonji dzadkhangunla colces tañ zhabstog zhus. ²⁶Tennaboephia Konchoggi khongun khorangunni ðhelmeddi dodpagun cocesla phañña dzads. Bumogunniañ rañzhinni lusðelli tshabsla khorañ cig tañ ciggi parla lusðelgun bors. ²⁷Tenna tsogsla butshagunniañ rañzhinni lusðelbo phañste, khorañ butshagunni parla lusðelli dodpa şante cos. Yañ butshagunni zhan butshaa nyampo ðhelmeddi las cospa, khongunla khorangunni zugspe nañña te lasñanboe chadpa phog.

²⁸Khongunni Konchog shesgoshespo ni phanmithogssig in sam pasan, Konchoggi khongun sambamedkhangun tsogsla samba tañcesla phañña dzads. Tezug coa dzadcespoe, khongunni co migoshessi lasñangun cos. ²⁹Khongunni mitshebo ñanpa tshañme gañs, sperna sdigpa, nabs, naphrad, semssi nañña tshighkhan, misad, dziñmo tañces, gobskorces, miññañ zhanmagunla semssi nañña phogcugces tañ spermen tañces. ³⁰Te migunni zhanmagunni skorla spera stsogpo zerkhan, Konchogga naphrad cokhan, zhanla stsiwa macokhan, phosocan tañ rañstod tañkhangun innog. Tegun sdigpa cocessi lam some skorla samba tañkhan tañ khorangunni phame khaa manyankhan, ³¹hagonyin medkhan, khachad

^a1:17 habakuggi speche 2:4

cagkhan, camspa tarj snyirje medkhan gun innog. ³² Konchoggi kagya nanzhin tezug las cokhangunla shigoshes ospa inkhanbo gyusyodtearj, tenna lasnjangun coces matshad, zhanma tetsogs cokhangunla stodpa tandug.

Sdigpaa Konchoggi thimscad.

2:1 ne 16

2¹ Khyozhe sdigpa cokhanni migunla skyonrjod co nyannanog sammanog, innarj khyozharj khongun tsogs sdigcan innog, yarj Konchoggi thimscad ne tharmithub. Khyozhe zhanmagunla thimscad tarj zane khyozhe khyozhararja skyonrjod coste innog, ciazerna khyozhearj tenna tsogs las coste innog.

² Konchoggi tarjpo thimscaddi narja, tetsogs las cokhangunla chadpa salla dzadcespo ndarjgunla gyusinnog. ³ Zhanma tezug las cokhangunla skyonrjod cokhan, khyozhagunnika Konchoggi thimscad mibabs cia sammarag, nam khyozhearj tenna tsogs las coad? ⁴ Konchog ni, khyozhagun nyampo tsamshig katincan, zodsemcan tarj zodpacan inkhanbo khyozhagunla thonja midugga? Khonji katinni gyuntshanbo ni, khyozhaa sdigpagunni kane gyurte gyodpa cocesla thidcespo, khyozhagunla hagoameragga?

⁵ Innarj khyozhaa skyonjo tarj khyozhararjji sdigpe kane gyurte gyodpa micocespoe, khyozhe khyozhararjika jigsnarjanni chadpagun sagin innog. Konchoggi thugssoe zhagpo lebin nam Konchoggi tarjpo thimscadpo sjonin.

⁶ Konchoggi "Mi reera rarjarjji las nanzhin thimscad dzadin."^b ⁷ Konchoggi salla dzadcessi spal, stsiwa tarj mane mishicessi zugspo, zodpa nyampo las zarjo coin, tsalkhangunla khonji thamedpe mitshebo salla dzadin. ⁸ Innarj rarjji phia mitshe phudin, denbabo pharjste, njanpe gyabne dukhangunla, Konchoggi thugsso tarj chadpa gun phogin. ⁹ Danpa coin dugkhangunla, nags tarj rdugnalli chadpa phogin, sjonla Yahudapagunla testirjne Yahudapa mankhangunlarj. ¹⁰ Innarj zarjo cokhan tsharjmala Konchoggi chogsne spal, stsiwa tarj zhide gun thobin, sjonla Yahudapagunla testirjne Yahudapa mankhangunlarj, ¹¹ ciazerna Konchoggi suar chogsrj coa dzadda manog.

¹² Mozessi thimssi yogga medkhan Yahudapa mankhan sdigpa cokhan tsharjma Konchoggi chadpa salla dzadin. Yarj Mozessi thimssi yogga yodkhan Yahudapa sdigpa cokhan tsharjmarj thims nanzhin khonji thimscad salla dzadin. ¹³ Thims nyances cigpo manpa, tegunnika laglen cokhangun Konchoggi skundunla tarjpo thea dzadin. ¹⁴ Konchoggi thims medkhanni Yahudapa mankhangunni rarjzhinla thims nanzhin ghosdommi lasgun co zane, zhan khongunla Konchoggi chogsne thimspo mathobba innarj, tegun, khongunni phia thimsshig innog.

¹⁵ Khongunni snyirjji narja Konchoggi thimspo Griiste yodkhan stannanog, ciazerna khorarjgunni sems tarj samtshul gunni khongunla skyonjan ya skyonmed inkhanbo stannanog. ¹⁶ Yarj i lonbo rje shaddad, te zhagpo lebin, nam Konchoggi Yesu Mashika gyudte mitsharjme, sarjwe samtshulgunla thimscad dzadin.

^b2:6 sunjurri speche 62:12

Yahudapagun taŋ thims.**2:17 ne 29**

¹⁷ Khyozharaŋŋa Yahudapa zerkhangunni, Konchoggi thimspoeka idshes coste Konchog nyampo migsalli ɔelyod zerte phoso coanog. ¹⁸ Khoŋŋi thuggoŋsgun yaŋ ospa inkhanbo, khyozhagunla gyusyod zerte phoso coanog, ciazerna khyozhagunla khoŋŋi thimspo labste innog. ¹⁹ Khyozhe tantanla khyozhaa zharagunla lamstankhan, mundiggi naŋŋa yodkhangunla od in, sammanog. ²⁰ Khyozhe samba medkhan buŋbugunla labzha taŋkhan, ɔuɔu tsogs cokhangunni phia gergan in sammanog, ciazerna khyozhagunni Mozessi thimspo gyudte khyozhagunla yontan taŋ taŋpo chatshaŋ yodte in sammanog.

²¹ Tene zhanmaa labkhan, khyozhagunni, khyozharaŋŋi labzhagun cia nyannamed? Zhanmagunla ŋkumaŋku zerte labdug, ci khyozharaŋgunni ŋkuada? ²² Khyozhe zerranog, migunni raŋŋi zhidmad manpa zhanma nyampo luŋɔel bor magos, ci khyozhagunni zhanma nyampo luŋɔel borrada? Khyozhagunni skunɔa colcesla naphrad coanog, ci khyozhe te skunɔaa borse chodkhangunne ŋkuada? ²³ Thims shessad zerte maŋsteaŋ phoso cokhan khyozhagunni thimspo cagces gyudte Konchogga stsiwa macoa innog. ²⁴ Dampe suŋrabssi naŋŋa, "Khyozhe zhaste Yahudapa mankhangunni Konchogga dadlog zhuste innog^c" molte yodkhanboa ŋaa halassa merag.

²⁵ Yahudape luŋɔol naŋzhin sunnad cocespoe phanthogs medte innog namtshogpa Konchoggi thimsgun khaa minyan. Innaraŋ kaltes khyozhe thimspo caggadna, khyozhaa taŋ sunnad macokhanni Yahudapa mankhan gunni parla caŋ khyad medte innog. ²⁶ Yaŋ kaltes sunnad macokhan Yahudapa mankhangunni thimspo khanyannadna, ci Konchoggi khoŋgun khoŋraŋŋi mi in mimolla? ²⁷ Tantanla, sunnad macokhan Yahudapa mankhangunni, thimsla khanyancespoe, khyozhagunla skyonrjod coste innog, kagunla thims thob, innaraŋ khaa manyans.

²⁸ Khyozhaa zugssi thogne Yahudape phamane skyeste inces, ya khyozhagunla Yahudape luŋɔol naŋzhin sunnad cocespoe, khyozhagun denbe Yahudapa rig gyurra manog. ²⁹ Innaraŋ Konchog nyampo taŋpo ɔel yodkhanbo ni, denbe Yahudapazhig innog. Yaŋ denbe sunnad coces ni, thimsla khanyancespo manpa, raŋŋi snyiŋŋi naŋŋa gyurja khyoŋcespo innog. Yaŋ gyurja yoŋkhanni mizhiggi, migunne manpa, Konchoggi stodpa tsallanog.

Konchoggi idshes.**3:1 ne 9**

3 ¹ Ci tene Yahudapazhig incespoe phanthogs yodte innogga ya sunnad cocespoa ci rin yodte innog? ² Ona, phanthogs maŋpo yodte innog. Taŋporan Konchoggi khoŋraŋŋi kagun Yahudapagunla stadda dzads.

³ Kaltes khoŋgunni ɔone khacigga tadpa medna ci khoŋgunla tadpa medcespoe, Konchoggaŋ idshes medkhan gyurranogga? ⁴ Mane gyurra manog. Tshaŋma

^c2:24 izikelli speche 36:22

zunjan innaj, Konchog khonraŋji zhalchadgunnika taŋpo zhugssanog, kazug dampe suŋrabssi naŋŋa Griiste innog,

"Nyeranŋi molkhan tshanŋa taŋpo inkhan stanin,

Yaŋ nyeranŋa thimskhuŋji naŋŋa gyal thobin^d."

⁵ Innaj khaciggi zersidces innog, "Dadaŋji sdiŋpe lasgunni Konchog taŋpo inkhanbo maŋŋa salpo coste stannadna, tene khonŋi ŋadaŋgunla chadpa salcespo miospazhig manogga?" (Tegun, mizhiggi samtshul naŋzhin zerte innog) ⁶ Tantan manog. Kaltes miospa inpinna, tene Konchoggi jigstenpagunla thimscad kazuggi dzadin? ⁷ Khaciggi zergyu taŋste zersidces innog, "Kaltes ŋe ŋanpa cocespoe, Konchog taŋpo inkhanbo maŋŋa salpo thoŋte, khonŋa spal thobbadna, tene cia Konchoggi ŋaa sdiŋcan inkhanboe phia shicessi thimscad dzaddanog?" ⁸ Yaŋ khaciggi, "Zaŋpo maŋŋa cuŋcessi phia ŋanpa rig coshig" zerdug zerte ŋazhe gyabgalla zun taŋŋanog. Tezug zerkhangunla Konchoggi chogsne shicessi chadpa thobcespo ospa innog.

Misuzhiggaŋ taŋpo manog.

3:9 ne 20

⁹ Tene dorlduste ci ŋadaŋ Yahudapagun zhanmagunni saŋ gyalla in zer thubinna? Man, mane zer mithub. Ciazerna ŋazhe Yahudapa taŋ Yahudapa mankhan tshanŋa, sdiŋpe waŋŋi yogga yodkhanbo stantsharte in. ¹⁰ Kazuggi dampe suŋrabssi naŋŋa Konchoggi molla dzads,

"Suzhiggaŋ taŋpo manog, cigciggaŋ.

¹¹ Suzhiggaŋ hagoCESSi stonduS macoa innog,

Suzhiggaŋ Konchog taŋpo shesnyin medte innog.

¹² Tshanŋe Konchogga gyabgyurcespoe tshanŋa rinmed gyurte innog.

Suzhiggaŋ zaŋpo coa manog, cigciggaŋ^e.

¹³ Khonggunni speragun, bete yodkhanni Romkhaŋŋi

Naŋŋe yoŋkhanni ŋiŋan tsogs innog.

Khonggunni lcegun zunni gaŋste yodte innog^f.

Tugrulli khalpagne tug buddanog^g.

¹⁴ Khonggunni khaa, ŋan tabces taŋ phogCESSi spere gaŋste innog^h.

¹⁵ Khonggun misadcesla riŋssanog.

¹⁶ Thestor coces taŋ rdugpo taŋces gun

Khonggunni stiŋraŋŋe duŋlanog.

¹⁷ Khonggunla zhide lambo shessa manogⁱ."

^d3:4 sunŋurri speche 51:4

^e3:12 sunŋurri speche 14:1 ne 3

^f3:13 sunŋurri speche 5:9

^g3:13 sunŋurri speche 140:3

^h3:14 sunŋurri speche 10:7

ⁱ3:17 yeshaye speche 59:7, 8

¹⁸ Konchoggi jigs khongunni nanja mane medte innogj."

¹⁹ Tantanla thimspo, thims thobkhanni migunni phia innog. Thims salcessi gyuntshanbo ni migunla skyon cocesne ghages, yan jigsten ganja Konchoggi skundunla nonscan inkhanbo stancespo innog. ²⁰ Ciazerna suzhiggar thimssi ka nanzhin coces cigpone Konchoggi skundunla tanpo gyurra manog. Thimssi nadangun tsamshig sdigcan inkhanbo salpo coste stannanog.

Tadpa gyudte tanpo gyurces.

3:21 ne 31

²¹ Innañ ta Konchoggi nadangunla khonji skundunla thims gyudte manpa, tanpo gyurcessi zhanlambo stanna dzads, kazug Mozes tan lunstonpagunni spechagunni nanja zhalchad dzadte innog. ²² Yeshu mashike nanja tadpa gyudte, nadangun Konchoggi skundunla tanpo theadzadte innog. Yan nadan surig innañ can khyad medpa innog.

²³ Mitsanme sdigpa coste innog, yan Konchoggi nadanji phia zirjiddi thugsdod yodkhanni tshad tshogpa nadan leb mathubba innog. ²⁴ Innañ Konchoggi, nadangunla ospa mankhanni thugrie gyudte tanpo thea dzads. Khonji tebo coa dzads, nam Mashika Yeshu gyudte nadangun nadanji sdigpe tsheyogne thar cugga dzads. ²⁵ Konchoggi Yeshu sdigpe tonla chodpe tshulla phulla dzads. Yeshui skuşog chodpa phulte thagphoa dzadkhanboeka idshes cokhanni migun Konchoggi skundunla tanpo thea dzaddanog. I chodpaboe Konchog ospa dzadkhanbo stannanog, nam khonji snunla sdigpa cokhangunla chadpa masalla şante zhugs. ²⁶ Zodpa şante zhaste Konchoggi tebo coa dzads, innañ ta dagsa khonji nadangunni sdigpe tonla Yeshu şogchodla phulla dzads. Tezug coa dzadcespoe, Konchoggi khonran tanpo inkhan tan Yeshui nanja tadpa cokhangun tanpo coa dzadkhanbo stanna dzads.

²⁷ Tene ci gyuntshanboe phia, nadanji phoso coin? Canji phian co minyan, ciazerna nadan sdigpa medkhan thea dzadcespo ni thims la khanyances manpa, tadpa cocespoeka raglaste innog. ²⁸ Sonpasan nadangun Konchoggi skundunla thims khanyancespoe tanpo thea madzadda, tadpa cocespoe tanpo thea dzads. ²⁹ Ci, Konchog Yahudapa cigpoe Konchog zhugste innogga? Khon Yahudapa mankhanguññan Konchog zhugste manogga? Ona, khon innog. ³⁰ Konchog cig zhugste innog, yan khonji migun tadpa cigpo gyudte khonranji skundunla tanpo thea dzaddanog, Yahudapa inđo ya Yahudapa manđo. ³¹ Ci tene nadangunni tadpabo khagcan stsispa, thimspo rjednan đigte innogga? Mane manog. Dospoa tadpa yod pasan, nadanji ranzhinla, thimspo đanđaa đub cugganog.

Abrahammi tadpe spe.

4:1 ne 25

4 ¹ Konchoggi skundunla tanpo gyurcessi skorla nadangunni phamespo, Abrahammi lobskhanboa nati ci zergos? ² Kaltes khoe las zanpogunni kho

Konchoggi skundunla ñaŋpo theadna, tene khoa phoso cocessi tonzhig yodđo. Innaj Konchoggi thabspo tezug manog. ³ Ciazerna dampe suñrabssi nañña moldug, "Abrahammi Konchoggi zhalchad dzadkhanboeka tadpa cospa, khoa Konchoggi mi ñaŋpozhiŋ thea dzads.^k"

⁴ Las cokhanni mizhigga thobkhanni lachabo skyesshiŋ manpa, khoe las cokhanni thobtañbo innog. ⁵ Innaj migun khoranġunni lassi zhaste manpa, khonġunla ñaŋpo coa dzadkhan Konchoggi nañña tadpa cocespoe ñaŋpo thea dzaddanog. ⁶ Tenna tsogsla gyalpo Dabiddiañ, las macoa, Konchoggi, ñaŋpo thea dzadkhan cinlabscanġunni skorla mols,

⁷ "Khaa minyancesla shagspa thobkhangun tañ

Sdigpa kabba dzadkhangun,

Tsamshiggi cinlabscan manog.

⁸ Tsooe, sdigpagun stsia madzadkhanni mibo

Tsamshiggi cinlabscan manog.^l"

⁹ Ta ci, i cinlabspo Yahudapa cigpoe phia innogga ya sunnad macokhanni Yahudapa mankhangunni phiañ? Dazhe zerrad, khoe tadpe zhaste Abrahamma Konchoggi ñaŋpo thea dzads. ¹⁰ Innaj tebo nam cuñ? Kho ñaŋpo thea dzadcespo, khoa sunnad macoe sñunla cuñssa ya sunnad coste stiñne cuñ? Tebo khoa sunnad coste stiñne manpa, sñunla cuñ. ¹¹ Sunnad coe sañ sñunla, Abrahamma tadpa yodces yañ Konchoggi khoa ñaŋpo inkhan, khonrañri zhalne molla dzadcespo, sunnad cokhanni stagspo inpin. Tennaboephia Abraham ni sunnad macoa tadpa cokhangunni aba tsogs innog yañ tegun khonrañgunni tadpe zhaste ñaŋpo thea dzaddanog. ¹² Abraham sunnad cokhangunniñ aba tsogs innog, innaj sunnad coe sañ sñunla Abrahamma yodkhanni tadpa tsogs khonġunlañ yonġos.

¹³ Konchoggi Abraham tañ khoe purgyudgunla jigsten ganpo salcesla zhalchad dzads. Innaj tebo Abrahamma thims khanyancespoe zhaste manpa, tadpa gyudte Konchog nyampo ñaŋpo ðel yodcespoe thobte innog. ¹⁴ Kaltes Konchoggi zhalchadpo thims khanyankhan cigpoe phia inpinna, tene tadpe ghosdom medđo yañ Konchoggi zhalchadpo tonmed inđo. ¹⁵ Konchoggi thugssō, thims cagcespoe zhaste babssanog. Innaj kaltes thims medna tebo kazuggi cagin?

¹⁶ Tennaboephia zhalchadpo tadpa gyudte thobbanog. Ibo rin matañkhanni skyesshiŋ innog. Yañ thimspo khanyannadđo ya medđo, kaltes ñadañña Abraham tsogsla tadpa yodna, ñadañ tshañmala te skyespo thobces tantan innog, ciazerna Abraham ni tadpa cokhan tshañme aba innog. ¹⁷ Tennaboephia Konchoggi dampe suñrabssi nañña Abrahamma mols, "De khyorañña mirgyud mañpoe aba coad.^m" Ibo cuñ ciazerna Abrahammi shikhangun sonpoa lañña dzadkhan yañ can medkhanni nañne soma cuñ cugga dzadkhanni Konchoggi nañña tadpa cos.

¹⁸ Rewa borcessi gyuntshan med zaneañ, Abrahammi rewa coin dugsa pasañ, kho mirgyud mañpoe aba gyur, kazug Konchoggi khoa mols, "Khyorañña

^k4:3 gozuggi speche 15:6

^l4:8 suñgurri speche 32:1,2

^m4:17 gozuggi speche 17:5

purgyud ma manpozhiḡ yonjin.¹⁹ Yar Abrahammi lo halam gya zamshig sonte khoe zugspo ḡhaste shices tsogs yar, khoe nama Sara řugu jorcessi khyudne thalnaḡ, Abrahammi tadpa yol mayolla stanpo lus.²⁰ Abrahammi Konchogḡi zhalchadpoeka thetshoms mane macos, matshad khoe tadpabo manřa shedcan gyurte khoe Konchogḡa spal khyoḡs.²¹ Konchogḡa zhalchad dzadkhanbo řanřa řubcugnyanna dzadcespoeka khoa tantan lokhyel yodpin.²² Yar Abrahammi tadpe zhaste Konchogḡi khoa řanřo thea dzads.²³ Konchogḡi khoa řanřo thea dzadkhan řiadzadcespo, Abraham cigpoe phanthogssi phia manpa,²⁴ řadanjḡi phanthogssi phiaḡ inpin. Kaltes Yesu řadanjḡunni Tsoo, shikhangunni řone laḡḡa dzadskhan Konchogḡi naḡḡa řati tadpa cona, khoḡḡi řadanjḡunnaḡ řanřo thea dzadcespo ni, řadanjḡi phanthogspo innog.²⁵ Konchogḡi Yesu, řadanjḡunni sdigpe tonla, řoḡssala stadda dzads. Yar řadanjḡun řanřo gyurcesla khoḡḡi Yesu sonpoa laḡḡa dzads.

Tadpe, thadpo khyoḡḡanog.

5:1 ne 11

5¹ Ta řadanjḡun Konchogḡi skundunla tadpe zhaste řanřo thea dzadpa, řadanjḡi Tsoo Yesu Mashika gyudte, řadanjḡunla Konchog nyampo thunřel yodte innog.² Dadanjḡunni tadpe zhaste mashike řadanjḡunla ospa medkhanni te nassaboe naḡḡa dugcesla khyoḡḡa dzads. Yar řadanjḡun lokhyel taḡ thadpo nyampo Konchogḡi zirrjḡdpoe naḡḡa řes thubin.

³ Tenanřa matshad, řadanjḡunni nagsbardoe naḡḡaḡ stodpa phullanog, ciazerna řadanjḡa gyusinnoḡ nagsbardoe zodsems skyecugces,⁴ zodsemssi scodlam zaḡpo ldancugces, yar scodlam zaḡpoe řadanjḡunla tharpe rewe lokhyel taḡḡanog.⁵ Yar i rewa yodcespoe řadanjḡunni spospa chagga manog, ciazerna Konchogḡi řadanjḡunni semspo řadanjḡa salkhanni dampe thugnyid gyudte, khoḡḡaḡḡi yashe skanřa dzadte innog.

⁶ Konchogḡi ldamma dzadkhanni tuspoeka, řadanjḡunni stobs tsharte řadanjḡunni naḡḡa khyudmed zane, Mashika řadanj sdigcangunni phia řoḡssa dzads.⁷ Mi mancheagun miḡanpozhiḡḡi tonla shia manog, cipata cigcig yodřo kaboe řaa mi zaḡpoe tonla shinyancesrag zerřidin^o.⁸ Innaḡ řadanjḡun sdigcan in zane, Konchogḡi Mashika řadanjḡunni tonla řoḡssa lamcugga dzadte, khoḡḡi řadanjḡa cespa chenmo dzadkhanbo stanna dzads.⁹ Yar mashike skuthag gyudte, řadanjḡun Konchogḡi skundunla řanřo dzad pasaḡ, khoḡḡi řadanjḡun tantan Konchogḡi thugsřoe kane skyobcespoa lokhyel yonřos.¹⁰ Dadanjḡun Konchogḡi řao in zane, khoḡḡaḡḡi řas řoḡshespo gyudte, khoḡḡi řadanjḡun khoḡ nyampo thunřel dzads. Tenna thunřelboe, khoḡḡaḡḡi řassi řog gyudte, khoḡḡi řadanjḡun skyobba dzadcespoa lokhyel řanře rag.¹¹ Ta řadanjḡunni Konchog nyampo řel

^o4:18 gozuggi speche 15:5

^o5:7 kaltes mi řanřpoe phia suzhiggaḡ shia thadda medna tene sdigcan mizhiḡḡi phia shicesla su thadin?

somaboe narŋa gamo coin, ciazerna ŋadanŋi Tsoo Yeshu mashike, ŋadangun Konchoggi dzaog yur cugga dzads.

Adam taŋ Mashika.

5:12 ne 21

¹²Nam Adammi sdigpa cos, te mi cigpo gyudte jigstenni narŋa sdigpa gozugs. Adammi sdigpe shices khyoŋspa, shicespo mitshaŋmeka phel, ciazerna mitshaŋme sdigpa cos. ¹³Thims thobbi saŋ ŋunlarŋ sdigpa jigstenni narŋa yodpin. Innaŋ tebo sdigpa thea madzads, ciazerna tetetshogpa cagcesla thimsshig mane medpin. ¹⁴Innaŋ Adammi tusne taŋste Mozessi tus tshogpa, migunni Adam tsogsla ka cagste sdigpa maconarŋ, khoŋgun shi. Adam ni skyodcescanboe, stagspo inpin. ¹⁵Innaŋ Adammi sdigpa taŋ Konchoggi thugrjee solraspoe narŋa makhyadpar chenmozhig yodte innog, ciazerna Adam, i mi cigpoe sdigpe, maŋpozhihgika shices khyoŋs. Innaŋ tesarŋ tagpo ni Konchoggi halasshessi thugrje taŋ maŋpozhihgika shagspe solraspo inpin, kabo mi nyispa Yeshu Mashika, gyudte sals. ¹⁶Yaŋ Konchoggi thugrjee solraspoe ŋasbu ni, te mi cigpoe sdigpe ŋasbu taŋtsogs medpa innog. Adammi sdigpe zhaste Konchoggi shicessi chadpe thimscad sals. Innaŋ Konchoggi rin mashalkhanni solraspoe, ŋadangunnika sdigpa maŋpoe skyon yodnarŋ, Konchoggi skundunla taŋpo cocesla thiddanog. ¹⁷I Adam, mi cigpoe sdigpe zhaste shicessi warŋ mi maŋpozhihgika ŋuls. Innaŋ Yeshu Mashika, mi cigpo gyudte, Konchoggi halasshessi thugrje taŋ taŋpo gyurcessi solras thobkhan tshaŋme narŋa tsamshiggi maŋŋa tagpo warŋ miŋul.

¹⁸Ona, Adammi sdigpa cigcigpoe, mitshaŋmeka shicessi chadpa phog. Innaŋ mashike chaglas taŋpo cigciggi, Konchoggi skundunla taŋpo coa dzadte mitshaŋmala mitshee somazhihg salla dzads. ¹⁹Mi ciggi Konchoggi khaa minyancespoe, maŋpozhihg sdigcan gyurcugs. Innaŋ zhanyaŋ mi ciggi Konchoggi khanyancespoe, maŋpozhihg mi taŋpo gyur cugga dzadin. ²⁰Migun tsamshig sdigcan inkhanbo stancesi phia Konchoggi thimspo salla dzads. Innaŋ thimspoe sdigpa ŋanpa inkhanbo maŋŋa salpo coadnarŋ, Konchoggi halasshessi thugrjebo tesarŋ maŋŋa tagga innog. ²¹Kazug sdigpe mitshaŋmeka warŋsulte shicespo khyoŋs, teboe tshabsla Konchoggi halasshessi thugrjee solraspoe warŋsulla dzadte, ŋadangunni Tsoo Yeshu Mashika gyudte, Konchoggi skundunla ŋadangun taŋpo coa dzadin. Yaŋ ŋadangun thamedpe mitshe chogsla thidda dzadin.

Sdigpe warŋbo cagga dzads.

6:1 ne 23

6¹Tene ŋati ci zergos, Konchoggi thugrjee gyasshugcesla, ci ŋadangunni sdigpa coin chagossa? ²Mane magos. Dadangun sdigpe phia shite in pasarŋ, tene ŋadangunni tenarŋa mitshe kazuggi phudin? ³Mashika Yeshui thussi narŋa deskhangun khoŋŋi shicessi narŋarŋ ŋeste inkhanbo, ci khyozhagunla gyusmedda? ⁴Thuslences gyudte, ŋadangun Mashika nyampo shite subskhan tsogs innog. Yaŋ

kazug Konchog yabbi zirjiddi khyud gyudte, Mashika shikhangunni ðone lanja dzadpa, ta ñadangunniar mitshe somazhig phudthubces innog.

⁵ Kaltes thuslencespoe, ñadangun Yeshu tonshesepoe nanja ðesna, tene ñadangun khon nyampo sontea lançesepoe nanjan ðeshespo tantan innog.

⁶ Dadangunla gyusinnog, sdigpe wanbo ñadanji mitshee nanja milusshessi

phia, ñadangunni snyinpa sdigcan zugspobo Mashika nyampo şkyanşinjika

şkyanste inpin. Ta ñadangun sdigpe tsheyogga lugsoshes manog. ⁷ Ciazerna nam

ñadangun Mashika nyampo shi, ñadangunla sdigpe wanje tharpa thobte innog.

⁸ Yan ñadangun Mashika nyampo shi pasar, khon nyampo mitshe phudcespoan

ñadangunla gyusinnog. ⁹ Tegun tantan inkhanbo ñadangunla gyusinnog, ciazerna

Mashika shikhangunni ðone sontea lanja dzads, khon yanşkyar mane mishi,

ta khonjika shicespoa wan medpa innog. ¹⁰ Nam Mashika tonş, sdigpe wanbo

cagcesla khon lanphog cig tonş. Innan ta khon sonpo zhugste, yan khonji

Konchoggi spalli phia mitshe phudda dzaddanog. ¹¹ Tenna tsogsla khyozhagunna

sdigpe wanji phia shite yan Mashika Yeshu gyudte, Konchoggi spalli phia mitshe

phudin inkhanbo samgos.

¹² Tene ñanpe dodpagunni khaa minyancesi phia khyozhagunni shicescanni

zugspeka sdigpa wanşul macugshig. ¹³ Khyozhagunni zugspoe khagciggar,

sdigpe yogpo coin ñanpe lagcha rigga gyur macugga, khyozharangun cisathogne

Konchogga phulshig. Ciazerna khyozhagun shite inpin, innan ta khyozhagunla

mitshe somazhig yodte innog. Tennaboephia khyozhagunni zugspobo Konchogga

spal thobcesla ospe lasgun cocessi lagcha tsogsla kolshig. ¹⁴ Ta sdigpabo

khyozhagunni sponbo manog, ciazerna khyozhagunni thimssi ñayogga mitshe

maphudda, Konchoggi thugrje ranwanji ñayogga mitshe phuddanog.

¹⁵ Tene ci, ñadangun thimssi ñayogga manpa, thugrje ñayogga incespoe sdigpa

cogossa? Mane magos. ¹⁶ Khyozhe khaa nyancesla Idamskhanboe, khyozhaa

yogpo gyurcespo, hagoa meragga? Kaltes sdigpe yogpo gyurcugna, teboe

khyozhagun nyalwe nanja thidin, innan Konchoggi khanyanna, teboe khyozhagun

mitshe tanpozhiigi nanja thidin. ¹⁷ Khyozhaa sdigpe tsheyog inpin, innan ta

khyozhagunni ñazhe labzha tanjhangunnika sems ganpone khanyancespoeka

ne Konchogga thugrjeche zhuad. ¹⁸ Ta khyozhagun sdigpe kane tharte tanpo

mitshezhiig phudcessi tsheyog gyurte innog.

¹⁹ Semsshugs medkhanni mi incespoe, khyozhagunla i tshanma hagocugcesla

ne tsheyoggi spebo kollad. Şnunla khyozhe, khyozharangun manji sar manja

nanpa tan tshitu las nyiskoe tsheyog gyurcugs. Ta dampa gyurcessi phia khyozhe

ranjanran mitshe tanpozhiigi tsheyog gyurcuggos. ²⁰ Khyozhagun sdigpe tsheyog

in zane, khyozhagunla mitshe tanpozhiig phudcessi tsherkhaa mane medpin. ²¹ Yan

teboe ðasbu kazugshig tonş? Ta khyozhagun tezug cokhangunnika tsamshiggi

thelba tshorranog, kaboe ðasbu thamedpe shicespo innog. ²² Innan khyozhagun

sdigpe wanji yogne tharte, Konchoggi tsheyog gyurte innog. Ta khyozhagunni

dampa chogsla thidkhanni lasgun coin innog, kaboe ðasbu ni thamedpe mitshebo

in. ²³ Sdigpe lachabo ni shicespo innog. Innar ɗadarɗunni Tsoo Mashika Yesu gyudte Konchoggi chonla salla dzadkhanni solraspo ni, thamedpe mitshebo in.

Zhidmaddi ɗelli spe.

7:1 ne 6

7 ¹ Ta thims sheskan ɗe spun, khyozhagunla ci gyusmedda? Fhimssi warɗo mizhiggika kho sontea yodyodtshogpa, ɗullanog. ² Sperna, thims narɗzin nama cokhanni bumoboe khorarɗi magpa sontea yodyodtshogpa kho nyampo idshescanni ɗel borgos. Innar kaltes khoe magpa shina, kho magpa nyampo idshescan dugcessi thimspo sɗncesne budte innog. ³ Kaltes magpabo sontea yod zane, te bumoboe zhanzhigga nama cona, khoe zhidmad manpa zhanmizhig nyampo lusɗel cokhanni sɗigpa coste innog. Innar kaltes khoe magpabo shite stiɗne, yarɗ nama cona, kho thims narɗzin logyemmi sɗigpa cocesne magalla innog.

⁴ Tennaboephia ɗe cespe spungun, khyozhagun Mashika nyampo shi zane, khyozhagun thimssi warɗi kanearɗ shite innog. Ta khyozhagun shikhangunni ɗone sontea zhanɗkhanbo nyampo cigɗil sonɗe innog. Teboe zhaste ɗadarɗunni Konchoggi phia las zarɗpoe ɗasbu smincugthubin. ⁵ ɗadarɗun sɗunme scodpe warɗi narɗa yod zane, ɗadarɗunni narɗa sɗigpe dodpagunni las coadpin. Yarɗ thimssi, te dodpa ɗanpagun larɗcugste sɗigpe lassi stonhog smin cugganog, kaboe ɗasbu shicespo innog. ⁶ Innar ta ɗadarɗun thimssi kane budte innog, ciazerna ɗadarɗun Idamste borkhanni thimspoe phia shite innog. Ta Griiskhanni thimspoe zhabstog macoa, dampe thugnyiddi narɗa mitshe somazhig phudin, ɗadarɗunni Konchogga zhabstog zhuin.

Konchoggi thimspoe, ɗadarɗi sɗigpa stanna dzads.

7:7 ne 13

⁷ Ci tene, ɗe Konchoggi thimspo ɗanpa innog zerte innogga? Mane man. Dospoa ɗaa, ɗararɗi sɗigpagun stankhanbo tenna thimspo inpin. Kaltes thimspoe "Zhanme inkhanboa dodpa macoP" mazerpinna, zhanme inkhanla dodpa cocespo sɗigpa inkhan ɗaa gyus machaa yodɗo. ⁸ Innar sɗigpe, te kabo kolte ɗe narɗa zhanme inkhanboa dodpa cocessi rigs tsharɗa skyecugs. Kaltes thims medpinna, sɗigpaa, te warɗo medɗo. ⁹ Tusshigga ɗe thimssi hagogmedpa mitshe phuddadpin, innar ɗaa Konchoggi kabo hagoanar, ɗe mitshee narɗa sɗigpe las coces gozug, yarɗ ɗa shi. ¹⁰ Tene ɗe thonɗ, tenna thimssi kaboe, ɗaa mitshe khyoɗcessi tshabsla, ɗe phia shicessi thimscadpo khyoɗs. ¹¹ Sɗigpe te kaboe phanthogs lente ɗaa gobskors, yarɗ tenna kabo kolte ɗeka shicessi thimscadpo khyoɗs. ¹² Innar thimspo dagsarɗ dampa innog, yarɗ teboe kagun dampa, ɗarɗo tarɗo innog.

¹³ Tene ci, zarɗo inkhanni thimspoe, ɗaa shicespo khyoɗssa? Mane makhyoɗs. Sɗigpe, zarɗo inkhanboe phanthogs lente ɗeka shicessi thimscadpo khyoɗs. Ona Konchoggi ka gyudte ɗadarɗa sɗigpa marɗstearɗ ɗanpa inkhanbo hagoanog.

Sdigpe gyabgalla nolces.**7:14 ne 25**

¹⁴ Dadanġunla gyusinnog, Konchoggi thimspoe mitshe taŋpo phudcesla thiddanog, innar ġa ġaranġi sdigcan dodpagunni thiddug. Tebo ni ġa sdigpe tsheyogga tsoŋskhan tsogs innog. ¹⁵ De coin yodkhanbo ġa hagoa merag, ciazerna ġaa taŋpo conyin yodnar ġe coa midug, matshad ġe tebo corug kaboa ġe naphrad coad. ¹⁶ Yar kaltes ġe mico samkhanni laspo cona, tene thims zaŋpo inkhanboa ġe semssi chogsskyor coste innog. ¹⁷ Tene ġanpa cokhanbo ġaa manpa ġe naŋġa naste yodkhanni sdigpabo innog. ¹⁸ Yar ġaa gyusyod, ġe naŋġa zaŋpo ciggar nassa med, tebo ġe sdigcan scodpabo in. Da taŋpo conyin yodnar ġaa conyanna midug. ¹⁹ De zaŋpo conyin yodnar coa midug. De ġanpa conyin mednar tebo scotug. ²⁰ Ta kaltes ġe conyin medkhanbo cona, tene tantanla ġanpa cokhanbo ġa manpa, ġe naŋġa naste yodkhanni sdigpabo innog.

²¹ Ta ġadanġi naŋġa waŋzhiggi las cokhanbo ġaa hago, ġe taŋpo conyin yod zane, ġanpa ġaa nyampo dugste yonġug. ²² De sems ġaŋpone Konchoggi thimsla camspa coad. ²³ Innar ġe naŋġa, te waŋboe ġe thims khanyancessi dodpe gyabgalla nollarag. Te waŋboe, ġaa, ġe naŋġa yodkhanni sdigpe tsheyog gyurcugdug. ²⁴ Da tsamshiggi rdugpo mizhig manog! Sui ġaa shices khyoŋkhanni i zugspe naŋġe tharcugin? ²⁵ Konchogga thugrjeche! Da tharcugkhanbo ni ġadanġi Tsoo Yeshu Mashika innog. Soŋpasar thonġugga, ibo kazuggi innog? Daranġi semssi naŋġa ġe denba Konchoggi thimspo khanyannyinrag, innar ġe sdigpe scodpe zhaste ġa sdigpe yogpo in.

Dampe thugnyiddi naŋġa mitshe phudces.**8:1 ne 17**

8 ¹ Teboephia ta Mashika Yeshui inkhangunla shicessi thimscad medpa innog. ² Ciazerna Mashika Yeshu gyudte, mitshe salkhanni thugnyiddi khyudpoe khyozhaa, shices chogsla thidkhanni sdigpe waŋġe thar cugga dzads. ³ Dadanġunni sdigpe scodpe, Mozessi thimspo shugsmed cos pasar, teboa ġadanġun skyob manyanna innog, teboephia thimsla co manyankhanbo Konchoggi dzads. Dadar sdigcangunla yodkhan tsogs zugspoe naŋġa khorġi khorraŋġi ŋas jigstennika kalla dzadte ġadanġi sdigpe phia chodpa phulla dzads. Tezug dzadte khorġi ġadanġunnika sdigpe waŋbo medkhan dzads. ⁴ Khorġi tebo coa dzadcessi gyuntshan ni, thimssi ospe ghosdomgun, sdigpe scodpe naŋġa mitshe maphudda, thugnyiddi naŋġa mitshe phudkhan ġadanġunni naŋġa, danġaa duŋcespo innog.

⁵ Sdigpe scodpe waŋġi yogga luskhangunni, tusgyun sdigpe las coin sammanog. Innar dampe thugnyiddi waŋġi yogga yodkhangunni, tusgyun thugnyid thugnyesshissi las coin sammanog. ⁶ Sdigcan migunni sambaboe, shices chogsla thiddanog. Innar thugnyiddi waŋġi yogga yodkhanni sambaboe, mitshe taŋ zhide chogsla thiddanog. ⁷ Sdigpe scodpe tusgyun Konchoggi gyabgal coanog, ciazerna teboe Konchoggi thimsla khaa manyans, yar khaa mane minyan. ⁸ Tennaboephia

sdigpe scodpe warji yogga dugkhangunni, Konchog thugnyescug mane nyanna manog.

⁹ Kaltes Konchoggi thugnyid khyozhe narjha zhugssadna, khyozhagun sdigpe scodpe warji yogga medpa, thugnyiddi warji yogga yodte innog. Yar suzhiggi narjha mashike thugnyid med, te mibo mashike manog. ¹⁰ Mashika khyozhagunni narjha zhugssanog, sdigpe zhaste khyozhaa zugssi thogne shianog innaŋ, thugnyiddi khyozhaa mitshe sallanog, ciazerna khyozhagun Konchoggi skundunla tarpo coa dzads. ¹¹ Yeshu shikhangunni ŋone sontea zharshugga dzadkhanni Konchoggi thugnyid khyozhagunni narjha nassanog. Yar kazug Konchoggi Mashika Yeshu shikhangunni ŋone sontea zharshugga dzads, khyozhe narjha yodkhanni tenna thugnyidbo gyudte, khonji, khyozhe shicescanni zugspoar ŋog salla dzadin.

¹² Teboephia ŋe cespe spungun, khyozhagunla sdigpe scodpe cos zerkhanboa khanyangos medpa innog. ¹³ Kaltes khyozhagunni teboe zerkhan narzhin mitshe phudna, khyozhagun shiin. Innaŋ kaltes dampe thugnyiddi khyud gyudte khyozhe sdigpe scodpe lasgun shicugna, khyozhagunni denbe mitshe⁹ phuddanog.

¹⁴ Ciazerna Konchoggi thugnyiddi thidkhangun Konchoggi ŋugu innog.

¹⁵ Khyozhagunla jigsshessi tsheyog gyurcugkhanni thugnyidbo thobste manog. Innaŋ Konchoggi, ŋugui tshulla sosbua lenna dzadkhanni thugnyidbo thobste innog. Ta ŋadaŋgunni khonjha "Aba! Yable!" Bodin. ¹⁶ Konchoggi thugnyiddi, ŋati thugnyid nyampo ŋadaŋ Konchoggi ŋugu inkhanboe sparpo sallanog. ¹⁷ Yar ŋadaŋgun khonji ŋugu in pasar, khonji norskal lenkhan matshad, Mashika nyampo Konchoggi zirrijid, lenkhanboar innog. Innaŋ kaltes ŋadaŋgun khonji zirrijidpoe narjha ŋessadna, tene ŋadaŋgun khonji rdugŋalli narjhar ŋesgos.

Yoncescanni zirrijid.

8:18 ne 30

¹⁸ Dagsa ŋadaŋgunla curkhanni rdugŋalbo, stinzhin khonji ŋadaŋgunla salcescanni zirrijid nyampo ldurna, tene te rdugŋalbo car medpa innog.

¹⁹ Konchoggi dzadkhan tsharjma^r, khonji denbe ŋugugun sŋon cugga dzadcessi te zhagpoa, riŋsinzhig ŋurjste innog. ²⁰ Migunni phia inkhan Konchoggi ŋanbo, khonji dzadkhan zhan tsharjmekar phog, kabo tegunni dodpa manpa tegun dzadkhan Konchoggi thuggoŋs inpin. Innaŋ rewa ŋante nyampo ²¹ khonji dzadkhan tsharjme yoncescanni zhagpoa ŋurj, nam tegun Konchoggi ŋugugun nyampo, shices tar rulces medkhanni, zirrijidcanni tharpe narjha dzomin. ²² Dadaŋjha gyusinnog, khonji dzadkhan tsharjmaa dagsa tshogpar, ŋugu skye zane skyezer yonjha tsogsla bardo curjin innog. ²³ Yar dampe thugnyid kabo yoncescanni cinlabs garjpoe khagshig in, tebo thobkhan ŋadaŋgunniar bardo khurin te zhagpoa riŋsin ŋurjhanog. Yar Konchoggi sosbua lenna dzadkhanni ŋugugun tsogsla, khonji ŋadaŋjha thobtar garjpo salces, matshad zugspo somazhiggi zhalchad dzadkhanni zhagpoe phia

⁹8:13 denbe mitshe ton ni, Konchog nyampo delyodkhan tar thamedpe mitshe gun innog.

^r8:19 yarjha namkhaa, jigsten tar, tenarjha yodkhan tsharjma kagun Konchoggi dzads

rewa şante nyampo şunjanog. ²⁴ Ðadaŋgun skyobba dzad zane, ɳadaŋgunla te rewabo salla dzads. (Kaltes rewa borkhanbo ɳati lagga yodpinna, tene ɳadaŋgunla teboephia rewa cogos medpa innog. ²⁵ Innaŋ kaltes ɳadaŋgunni dagsa ɳati lagga medkhanboe rewa coadna, ɳadaŋgunni teboa zodpa taŋ lokhyel nyampo şunĝos).

²⁶ Yaŋ ɳadaŋgunni uthugssi naŋŋa, dampe thugnyiddi ɳadaŋgunla roĝs coa dzaddanog. Sperna, Konchoggi thugĝoŋs naŋzhin ɳadaŋŋi moslam kazugshig yoŋĝoshespo ɳadaŋgunla gyus medpa innog. Innaŋ dampe thugnyiddi, ɳadaŋgunni phia snyiŋshugs nyampo moslam phullanog, kabo ɳadaŋŋa tshigs kolte shad manyanna innog. ²⁷ Yaŋ snyiŋ tshaŋma khyenna dzadkhanni yabbi, thugnyiddi molkhanboar khyenna dzaddanog. Ciazhuna thugnyiddi, Konchogga ɳadaŋ tadpacangunni phia khoŋŋi thugĝoŋs naŋzhinla zhuwa phulla dzaddanog. ²⁸ Konchogga cespa cokhan taŋ khoŋŋi gyuntshan ɳubcesla bodda dzadkhan ɳadaŋgunni phanthogssi phia, khoŋŋi ɳadaŋgunni mitshee naŋŋa cuŋkhan tshaŋma kolla dzadcespo, ɳadaŋgunla gyusinnog. ²⁹ Konchoggi khoŋraŋŋi migun gozugne pharla khyenna dzadte khoŋgunla khoŋraŋŋi şas tsogs gyurcesla Idamma dzads. Yaŋ naŋtshaŋs chenmoe naŋŋa khoŋŋi şas goskyespo gyurin. ³⁰ Yaŋ Idamma dzadkhangun, khoŋraŋ yodsa bodda dzads. Yaŋ bodda dzadkhangun, khoŋraŋŋi skundunla taŋpo coa dzads. Yaŋ taŋpo coa dzadkhangun nyampo khoŋraŋŋi zirjidboar goadzads.

Konchoggi cespa.

8:31 ne 39

³¹ Te halasshessi cinlabsgunni skorla ta ɳadaŋgunni ci zergos? Kaltes Konchog ɳadaŋgunni chogsla inna, tene ɳadaŋgunni gyabgalla sua gyal thobin. ³² Konchoggi khoŋŋi şaspoar maphudda, ɳadaŋ tshaŋme tonla salla dzads. Tene ci khoŋŋi ɳadaŋgunla yaŋ ĝhosdom tshaŋma salla midzadda? ³³ Konchoggi Idamma dzadkhan ɳadaŋgunni gyabgalla skyon sua kalnyanin? Konchoggi ɳadaŋgun khoŋraŋŋi skundunla taŋpo coa dzads. ³⁴ Tene sui ɳadaŋgun shicesla ospaa inkhanboe thimscad taŋin? Suzhiggiar mitaŋ, ciazhuna Mashika Yeshu ɳadaŋgunni tonla toŋste, sontea zhaŋssa dzads. Yaŋ khoŋŋi Konchoggi chag yaspe stsiwacanni zhugsthisika zhugste ɳadaŋgunni phia moslam phullanog. ³⁵ Tene sui ɳadaŋgun mashike cespane phenyanin? Nags, kagspo, rdugŋal, muge, ljernyal, jigspa, ya rai kane shices. ³⁶ Dampe sunrabssi naŋŋa gyalpo Dabiddi molte innog,

"Nyeranŋi phia ɳazhagun zhagtaŋ saddug.

Ðazhagun lug tsogsla skye cadte saddug^s."

³⁷ Minyan, ɳadaŋgun mashike cespane mane pheminyan. Ðadaŋŋa cespa dzadkhan Mashika gyudte, te tshaŋme naŋŋa ɳadaŋgun gyalkhaa thobkhanni saŋ taĝgazhig innog. ³⁸ Ða tantan lokhyel rag, i wangunni ɳadaŋ Konchoggi cespane pheminyan: sperna, shices ya mitshee, phonyagun ya rdudgunni, itus ya yoŋcescanni tussi, ya nyalwe, ³⁹ nammi naŋŋa yodkhan ya se yogga, tantanla

Konchoggi dzadkhan tshanme nanne ciggiar nđanġun Konchoggi cespane pheminyan, kabo nđanġunni Tsoo Mashika Yesu gyudte sġon cugga dzadte innog.

Ldamma dzadkhan Israelpagun.

9:1 ne 29

9¹ De zerkhanbo taġpo yaġ zun taġste mankhanboe spaġpo Mashika in. De sems taġ dampe thugnyiddi tebo tantan coanog.²⁻³ Daranġi mi, Yahudape spungunni phia ġe snyiġbo rdugġal chenmo taġ thamedpe tsherkhe ġaġste rag. Kaltess Mashika nyampo ġe đel chadte ġa tusgyunni phia ġan phogcespoe, kħoġgun skyobthubbadna, ġa tegun lencesla thaddarag.⁴ Kħoġgun Israelpa, Konchoggi sosbua Idamma dzadkhanni šugugun innog. Konchoggi zirrġidpo kħoġgunla ġal cugga dzads, yaġ kħoġgun nyampo chaddon coa dzadte kħoġgunla kħoġranġi thims salla dzads. Konchoggi kħoġgunla kħoġġi halasshessi zhalchadgun thobces taġ kħoġġa colcessi stsiwa salla dzads.⁵ Abraham, Isak taġ, Yakob ġun, kħoġgunni phamespo innog. Mashika mii tshulla ltams zane, kħoġ Israelpazhig zhugste inpin. Yaġ kħoġ ni Konchog zhugste innog. Kħoġ ni citshanmeka waġsul dzadkhan taġ tusgyun stodpa thobcessi ospa innog, amen.

⁶ Tene ci? Konchoggi Israelpagunla dzadkhanni zhalchadpo đanđaa mađubba innogga? Mane manog. Israelli yulla skyeskhangunni nannear tshanma, Konchoggi migunni nanne thea madzads.⁷ Abrahammi purgyud inkhangunni nannear tshanma, Abrahammi denbe šugu manog, ciazhuna dampe suġrabssi nanne molte innog, "Isak ni tenna butshabo in, kabo gyudte khyoranġi purgyudgun cuġin."⁸ Teboe ton ni, zuggsi thogne Abrahammi purgyudgun Konchoggi šugu mathea, zhalchad dzadkhanni purgyudgun, Abrahammi šugu thea dzadin,⁹ ciazerna Konchoggi zhalchad dzads, "Stiġma lo, halam innatusshigga ġa logste yoġ zane Sara, butshazhig skyeste yoġin."^u

¹⁰ I butshabo nđanġunni phamespo Isak inpin. Kħoe Rabeka nama cos yaġ Rabeka butsha tshagġug ġor.¹¹ Innaġ kħoġgun skye saġ sġunla, yaġ kħoġgunni zaġpo ya ġanpa coe saġ sġunla, Rabeka Konchoggi chogsne lonzhig thob. (I lonboe ton ni, Konchoggi migun kħoġranġi gyuntshanzhiggi phia Idamma dzads,¹² kħoġġi migun bodda dzads, innaġ kħoġgunni las zaġpo ya ġanpa gunnika raglaste manog). Kħoġġi Rabeka mols, "Khyoranġi butsha cheaboe chuġġaboa zhabstog zhuin."^v ¹³ Tezug đubcesla suġrabssi nanne molte innog,

"De Yakobba cespa coad

Innaġ Isau gyab gyurrad."^w

¹⁴ Tene nđanġunni, Konchog miospa dzadkhanzhig zhugste innog zerinna? Mane manog.¹⁵ Konchoggi Mozesla molla dzads,

^t9:7 gozuggi speche 21:12

^u9:9 gozuggi speche 18:10,14

^v9:12 gozuggi speche 25:23

^w9:13 malaki speche 1:2,3

"De Idamkhangunnika snyinjre stanin,

Yañ ñe Idamkhangunnika camspa stanin.^x"

¹⁶ Tennaboephia tebo mi dodpa ya stsonđussika manpa, Konchoggi snyinjreka raglaste innog.

¹⁷ Konchoggi Ijibbi gyalpo Pheroa molkhanbo suñrabssi nañña ñiadzadte innog, "Khyorañji nañña ñe shedpo stances tañ ñe miñbo jigsten gañpoe nañña phelcugcessi phia ñe khyorañ Idamste in.^y" ¹⁸ Tennaboephia Konchoggi snyinjre stancesi thugsdod yodkhangunnika snyinjre stanna dzadin, yañ khorñji snyij skyorñpo coa dzadcessi thugsdod yodkhangunni snyijgun skyorñpo dzadin.

¹⁹ Khyozhagunni zersidces innog, "Sems gyurte gyodpa macokhangunla cia Konchoggi skyon kalla dzaddanog? Konchoggi khongunla co cugga dzadkhanbo khongunni coste manogga?" ²⁰ Innañ Konchoggi gyabgalla spera zerkhan khyorañ mi su in? Cokhanboe coa dzadkhanboa zergossa, "Cia nyerañji ña itsogs coa dzadte in?" ²¹ Zama cokhanzhiggi tenna kalagpoe kane zama cig, stsiwacanni lasla kolces, yañ cig zhagtañji lasla kolcessi phia, cocessi thobtañ khoa medpa innogga? ²² Tenna tsogsla, zhan Konchogga khonrañji thugsšo tañ shedpo stancesi thobtañ yodnañ, khonji thugsšo babsshes tañ thestor chaces chogsla chakhangunnika maşante zodpa ghomma dzaddanog. ²³ Khonji snyinjre stanna dzadkhangunnika khonji thugrje tsamshiggi gyaspa inkhanbo stancesla khonji tebo coa dzads. Yañ khonji khongun sñunne pharla namkhe nañña zirrjicanni nasse phia ñaldig coa dzadte ipin. ²⁴ Khonji Idamma dzadkhangunni nañña ñadañgunnañ innog, Yahudapagun cigpoe phia manpa Yahudapa mankhangunni phiañ innog.

²⁵ Kazug Yahudapa mankhangunni skorla luñstonpa Hoshayi speche nañña Konchoggi molla dzads,

"De mankhanni migunla ñe ñarañji mi zerin.

Yañ ñe cespa macokhangunla ñe cespa coin.^a"

²⁶ Yañ " 'Khyorañgun ñe migun man' molkhanni tenna nassaboeka

Khongunla, 'Sonpo Konchoggi ñugugun' molin.^b"

²⁷ Yañ Israelpagunni skorla luñstonpa yeshaye kuco tañin zers,

"Zhan Israelli migun gyatshoe thama yodkhanni

Pema tsogs mañpo yodtear, khacig mane miskiyob.

²⁸ Ciazerna Tsooe, khonrañji chadpabo i jigstennika

Gyogspa tañ gañpo khyorñña dzadin.^c"

²⁹ Dampe suñrabssi zhanyañ nassazhiggi nañña yeshaye inna sperabo ñia dzadte innog,

^x9:15 biñte chakhanni speche 33:19

^y9:17 biñte chakhanni speche 9:16

^z9:20 yeshaye speche 29:16 tañ 45:9

^a9:25 Hoshayi speche 2:23

^b9:26 Hoshayi speche 1:10

^c9:28 yeshaye speche 10:22,23

"Kaltēs namkhe magmigunni Tsooe,
 Dati ŋugu nyuŋunzhig phudda madzadpinna,
 Tene ŋadaŋgun Sodomba tsogsla medkhan
 Yaŋ Gamorapa tsogsla thestor coa dzadte yoddo.^d"

Tadpa medkhanni Israelpagun.

9:30 ne 10:4

³⁰ Te tshaŋme tonbo tene ci innog? Zhan Yahudapa mankhangunni, Konchoggi skundunla taŋpo gyurcessi stonḡus maconaj, khoŋgunni tadpa cocespo, Konchoggi skundunla taŋpo gyur. ³¹ Innaŋ Israelpagunni ŋimsgun khanyante Konchoggi skundunla taŋpo gyurcessi maŋaŋte stonḡus conaj, thaŋspo mane malus. ³² Cia thaŋspo malus? Ciazerna khoŋgunni tadpa manpa, ŋims khanyante las cocespo gyudte, Konchoggi skundunla taŋpo gyurcessi stonḡus cos. Khoŋgun khoŋraŋgunni lammika yodkhanni rdoa chenmoeka ghaggyabste innog. ³³ Konchoggi Yahudapagunla teboe skorla spanpudda dzads, nam khoŋŋi dampe suŋrabssi naŋŋa mols,

"De Yerushalemmi naŋŋa migunla ghaggyabcugkhanni
 Rdoazhig borrad, gyelcugkhanni pholoŋszhig.
 Innaŋ khoŋŋi naŋŋa idshes cokhanni,
 Rewabo mane cagga midzad.^e"

10 ¹ Cespe spungun, ŋe snyiŋŋi dodpa taŋ Konchogga moslam phulcespo ni Israelpagun skyobcessi phia in. ² Khoŋgunni Konchog thugsthad cugcessi dodpe naŋŋa stonḡus ŋaŋte cokhanboa ŋe spanpo taŋŋad, innaŋ khoŋgunni Konchog tsalcessi lambo norte innog. ³ Khoŋgunla Konchoggi chogsne yonkhanni taŋpoe skorla gyus medpa innog. Khoŋgun Konchoggi taŋpoe lammika ḡulcesla mathadda, khoranŋgunni stonḡus gyudte, taŋpo gyurcesla thaddanog. ⁴ Mashike naŋŋa ŋimssi ghosdom tshaŋma ḡubba dzadte innog, teboe ḡasbu khoŋŋi naŋŋa tadpa cokhan tshaŋma, Konchoggi skundunla taŋpo coa dzaddanog.

Tharpa tshaŋme phia.

10:5 ne 21

⁵ Mozessi ḡiadzads, ŋims naŋzhin mizhig Konchoggi skundunla taŋpo gyurcessi ghosdombo ni "ŋims tshaŋma khanyangoshes" innog.^f ⁶ Innaŋ tadpa gyudte Konchoggi skundunla taŋpo gyurcessi labzhaboe mols, "Khyozhe snyiŋŋi naŋŋa, 'Su namkhaa chen^g' cia sammad? (Yaŋŋa thurla skyodte tharpe lonbo ŋadaŋgunla shadda dzadcessi phia Mashikaa boddala)." ⁷ Ya cia sammad, "Yogga shikhangunni nasse naŋŋa su chen?^h" (Yaŋŋa tenaŋŋe Mashika biŋste

^d9:29 yeshaye speche 1:9

^e9:33 yeshaye speche 8:14

^f10:5 ŋimssi specha taŋpoe 18:5

^g10:6 ŋimssi specha nyispe 30:13

^h10:7 ŋimssi specha nyispe 30:13

skyodte tharpe lonbo ñadangunla shadda dzad zercesla)." ⁸ Innarj tadpe skorla labzhe ci moldug?,

"Lonbo khyozhe lagga yodte innog

Tebo khyozhe khalpag tarj snyirj gunni narjja yodte innog.ⁱ"

Yarj tenna lonbo ni, mashike narjja tadpa cocesla ñazhe chosshadkhanni lonbo in." ⁹ Kaltes khyozhe rarjji khane, Yesu Tsoo inkhanbo zerces tarj Konchoggi khonj shikhangunni ñone sonpoa larjja dzadte inkhanboa tadpa cona, khyozhagun skyobba dzadin. ¹⁰ Khyozhagunni snyirjji narjja tadpa yodcespoe, khyozhagun Konchoggi skundunla tarjpo coa dzads, yarj khane shadcespoe, khyozhagun skyobba dzads. ¹¹ Kazug dampe surrabssi narjja molte innog, "Khorjji narjja idshes cokhangunni rewabo mane cagga midzad.^j" ¹² Yahudapa tarj Yahudapa mankhan gunni narjja carj khyad medpa innog. Tenna Tsoobo tsharjme Tsoo innog, yarj khonjja zhuwa phulkhangunla snyirj pheste salla dzaddanog. ¹³ Ciazhuna "Tsooa skyobcesla zhuwa phulkhan tsharjma khonjji skyobba dzadin.^k"

¹⁴ Tene khonjgunni kazuggi zhuwa phulin, kaltes khonjgunni khonjja tadpa macona? Yarj khonjgunni kazuggi tadpa coin, kaltes khonjgunni khonjji skorla mane matshorra yodna? Yarj khonjgunla kazuggi tshorin kaltes suzhiggian khonjji skorla mashadna? ¹⁵ Yarj kaltes kalte manpinna, khonjgun yodsa sonje chos kazuggi shadin? Tennaboephia dampe surrabssi narjja molte innog, "Gamoe nastshul khyonkhangunni karjpa tsamshiggi cinlabscan manog.^l"

¹⁶ Innarj sutsharjme gamoe nastshulla gasus zhuamanog, ciazerna lunstonpa yeshaye zers, "Tsoole, sui ñadarjji lonboa idshes cos?"^m ¹⁷ Sonpasarj lonbo nyances cigpo gyudte tadpabo yonjanog, yarj te lonbo ni mashike skorri gamoe nastshulbo innog. ¹⁸ Innarj ñe ñiad, ci Israelpagunla lonbo matshorra innogga? Ona, khonjgunni tshorte innog,

"Lonbo jigsten garjpo narjja phelte innog,

Yarj kabo jigstenni thama tshogparj lebste innog.ⁿ"

¹⁹ Innarj ñe yarjkyarj ñiad, ci Israelpagunla hamagoa innogga? Khonjgunni hagote innog, ciazerna Mozessi tuslarj Konchoggi molla dzads,

"Gyalkhams mankhanni migun gyudte,

De khyozhagunni narjja tshigces skyecugin,

Samba medkhanni Yahudapa mankhangun gyudte,

De khyozhagunni narjja so skyecugin.^o"

²⁰ Yarj stirjne Konchoggi chogsne yeshaye hampa nyampo mols,

"Daa matsalkhanni migunni ñe narjja tadpa cos.

ⁱ10:8 thimssi specha nyispe 30:14

^j10:11 yeshaye speche 28:16

^k10:13 Yoelli speche 2:32

^l10:15 yeshaye speche 52:7

^m10:16 yeshaye speche 53:1

ⁿ10:18 surgurri speche 19:4

^o10:19 thimssi specha nyispe 32:21

Daa shesnyin maḍokhangunla, ɲe ɲaraɲ sɲoncuɲspɪn.^P

²¹ Innarɲ Israelpagunni skorla Konchoggi mols,

"Nyima gaɲpo ɲe ɲaraɲɲi laga phala khonɲunla gasus zhuala şkyarɲste borpin,
Innarɲ khonɲun khaminyan taɲ ɲolog cokhan yodpin.^Q"

Konchoggi sɲyɲɲe Israelpagunnika.

11:1 ne 24

11 ¹ Tene ɲe ɲiad, ci Konchoggi khonɲaraɲɲi mi Israelpagun pharaɲa dzadssa? Mane pharaɲa madzads. Da ɲaraɲ Israelpazhig, Abrahammi purgyud, Benyamin sdene in. ² Konchoggi gozugne pharla Idamma dzadkhanni khonɲaraɲɲi migun pharaɲa madzads. Ci teboe skorla dampe suɲrabssi naɲɲa molkhanbo khyozhagunla gyusmedda? Luɲstonpa eliyɛ Israelpagunni gyabgalla Konchogga zhuwa phuls, ³ "Tsoole khonɲunni nyeraɲɲi luɲstonpagun sadte nyeraɲɲi chodthigun shigs. Dararɲ cigpo luste yod, yarɲ khonɲunni ɲarɲ sadcessi stonɲus corug."^R

⁴ Yarɲ Konchoggi lansalla dzadkhanbo khyozhagunla idtu meragga? "De ɲaraɲɲi phia Baal zerkhanni skunde dunla chag maphulkhan stonɲrudun skyobste borte yod."^S

⁵ Tetsogs dirɲɲarɲ innog, Konchoggi thugrjee zhaste, Israelpa nyuɲunzhig Konchogga idshescan luste innog. ⁶ Yarɲ kaltes thugrjee zhaste inna, tene tebo khonɲunni las zaɲpoe zhaste manog. Kaltes ipinna tene khonɲɲi thugrjebo, rin mashalla yarɲ ospa medpa thobte meddo.

⁷ Tene ci? Konchoggi chogsskyor thobcesla stonɲus coste tsalin yodkhan Israelpa maɲcheaboa mathobba innogga? Konchoggi Idamma dzadkhan khacigga thobte innog, innarɲ luskhanguɲni khorarɲunni sɲyɲɲ skyonɲo cos. ⁸ Kazug dampe suɲrabssi naɲɲa molte innog,

"Konchoggi khonɲunni sambagun khyorcugga dzads,

Khonɲunla mig yodtearɲ mathonɲa innog

Yarɲ namcog yodtearɲ matshorra innog.^T"

⁹ Tenna tsogsla Dabiddi mols,

"Kharɲi gaɲste yodkhanni khonɲunni cogtsebo

Khadcessi piildem gyurshig.

Khonɲunni gyunorri khonɲunla ghaggyabcugshig.

Yarɲ ospa inkhanbo khonɲunla thobshig.

¹⁰ Khonɲunla mithonɲcessi phia khonɲunni mig zhar cugshig.

Yarɲ lciɲte khurcespoe, khonɲun tusgyunni phia guru gyurshig.^U"

^P10:20 yeshaye speche 65:1

^Q10:21 yeshaye speche 65:2

^R11:3 gyalpogunni specha taɲpoe 19:10,14

^S11:4 gyalpogunni specha taɲpoe 19:18

^T11:8 thimssi specha nyispe 29:4

^U11:10 suɲgurri speche 69:22,23

¹¹ Ci Israelpagun ghaggyabste larj mane minyances, tezam şante gyella? Mane magyel. Innarj khonji khaa minyancespoe, Konchoggi tharpabo Yahudapa mankhangunla salla dzads. Khonji tebo coa dzadcessi gyuntshanbo ni Israelpagunla tshigces yonste, khorangunni phia tharpabo lencesla innog. ¹² Innarj khongunni sdigpa cocespoe, jigsten ganpoe migunni phia cinlabs, yarj khongunla Konchoggi chogsskyor mithobcespoe, Yahudapa mankhangunni phia cinlabs khyonjadna, tene Yahudapa tshanme mashike nanja tadpa co zane, tadpacan tshanmala tsamshiggi chenmo cinlabs mithob.

¹³ De i tshanma khyozhaa Yahudapa mankhangunla zerrad, Konchoggi ra Yahudapa mankhangunni phia skutshabsla skoa dzadcespoa phoso tshorrarag. ¹⁴ Innarj ne laspoe, Israelpagunla khyozhaa Yahudapa mankhangunla yodkhanboeka tshigces yonçugste khonj khaciggarj skyobnyancesi ne rewa in. ¹⁵ Kaltes khongunni phançespoe, Konchoggi tharpabo zhanyarj jigstenpagunla salla dzaddadna, tene Israelpagunniarj te tharpabo len zane, tsamshiggi manja thadpo miyorj. Tebo shikhangunni phia mitshe gyurin. ¹⁶ Kaltes gome khazas tsogsla pagpe khagcig phulkhanbo dampa inna, tene pagpe ganpo dampa innog. Tenna tsogsla nadarj Yahudapagunni phamespogun dampa inna, tene khongunni purgyudgunnarj dampa innog. Kaltes oliwwi lcanjme patagpo dampa inna, tene te lcanjme yalgagunnarj dampa innog.

¹⁷ Innarj te oliwwi lcanjme yalga khacig cagste, matabba skyekhanni oliwwi lcanjme kholgun, tetshabsla pewanla tarj pasarj, ta khyozhagunniarj te oliwwi lcanjme stobscan pataggi khuabo goste thunjanog. ¹⁸ Te yalga cagkhangunni tshabsla khyozhaa pewanla tanjkanboeka phoso macoshig. Khyozhagun te lcanjme patagpo manpa yalgazhig innog.

¹⁹ Tene khyozhe zerşidin, "Daa pewanla tançessi phia te yalgagun cagga dzads." ²⁰ Tebo denba innog, innarj mashike nanja tadpa macospa, te yalgagun cagga dzads, yarj khyozhe tadpa cocespoe, khyozhagun te lcanjme khagshig innog. Phoso macoshig, innarj ci cunjin samste jigsshig. ²¹ Kaltes Konchoggi nosome yalgagun maphudda inna, khonji khyozhagunnarj phudda midzad.

²² Konchog thugrjecan tarj thimscad şante dzadkhan inkhanbo hagogos. Khaa minyankhangunni phia thimscad şante, innarj khyozhe phia thugrjecan. Kaltes khyozhe khonji thugrjee nanja idshes coin dug madugna, khyozhagunnarj khonji cadte phanja dzadin. ²³ Yarj kaltes Israelpagunni tadpa medcespo phanja, khongunnarj yanjskyar te lcanjme nanja pewanla tarja dzadin, ciazhuna Konchogga tezug dzadcessi wanbo yodte innog. ²⁴ Kaltes khyozhaa, matabba skyekhan oliwwi lcanjme yalga intearj, Konchoggi khyozhaa tabkhanni oliwwi lcanjmeka pewanla tançesla thadda dzaddadna, kabo ranzhin inkhanni gologpo innog, tene nospoe lcanjme kholbo tenna nospa lcanjme nanja pewanla tarja dzadcesla Konchog tsamshig manja thadda midzad.

Konchoggi snyinjje mitshanjme phia.**11:25 ne 36**

²⁵ Spungun, khyozhagun phoso mitshorcessi phia ñe, i ñanpoe sanjwabo khyozhagunla hagogos sammarag. Israelpa manpozhighi snyinj skyonjpo lusin, namtshogpa Konchoggi Idamma dzadkhanni Yahudapa mankhan tshanjme, mashike nanja tadpa mico. ²⁶ Tene Israelpa tshanjmaa skyobba dzadin, kazug dampe surrabssi nanja molte innog,

"Skyobba dzadkhanbo Yerushalemne binjin,

Yanj khonji Israelpagun ñanpe lasgun cocesne gyur cugga dzadin.

²⁷ Yanj khongun nyampo ñe chaddonbo ni,

De khonji sdigpagun medkhan coin.^v"

²⁸ Israelpa manpozhighi ta gamoe nastshulli ñao innog. Teneanj khongunla tarunjanj Konchoggi camspa dzaddanog, ciazerna khonji khongunni phamespo Abraham, Isak tanj, Jakob gun Idamma dzads. ²⁹ De tebo zerrad ciazerna, khonji solras salla dzadkhan tanj Idamma dzadkhanni thagcadboe nanja gyurja mane khyonja dzadda manog. ³⁰ Khyozhaa Yahudapa mankhangunnañ tusshigga Konchoggi khaa manyankhan inpin, innañ ta Yahudapagunni khaa minyancesi ñasuboe, khyozhagunla khonji snyinjje thobte innog. ³¹ Ta khongun khaa minyankhan innog, yanj Konchoggi snyinjree nanja khongunnañ ñeshessi phia, khyozhagunla Konchoggi snyinjje thobte innog. ³² Konchoggi mitshanjma snyinjje stanna dzadcessi phia khonji mitshanjma khaa minyancesi lagga stadda dzads.

³³ O, Konchoggi gyunor tanj shesrabs tanj yontan gun tsamshiggi jigspo manog. Khonji thimscad tanj chaglas dzadcessi tshul gun ñadanjunañ mane hagothubces medpa innog.

³⁴ "Sui Tsooe thugssamgun shesin?

Khonja khadaa tanjcessi hago sua yod?^w"

³⁵ "Sui khonja tezam manpozhighi tanjste yod,

Kabo khonja logste phulgoshes ghosdom skyods.^x"

³⁶ Khonji chogsne citshanjma cuñste, khonji wanji zhaste, tegun luste innog. Yanj tegun khonji spalli phia innog. Konchogga spal tshanjma tusgyun thobshig, amen.

Konchoggi phia mitshee chodpa.**12:1 ne 21**

12 ¹ De cespe spungun, Konchoggi khyozhagunla snyinjje dzadcespoe, khyozhe zugspo khonja chodpa phulcesla, ñe juju zhuin zhuwa phullad, te zugsgun sonpo tanj dampa chodpa yongos, kaboe khonj thugsthadda dzadcugin. Tennabo denbe khonja colcespo innog. ² I jigstenni scodlam tanj lugsol gunni lanmo

^v11:27 yeshaye speche 59:20, 21; 27:9

^w11:34 yeshaye speche 40:13

^x11:35 Yobbi speche 41:11

macoshig. Innarj Konchogga khyozharanji samtshulli narja gyurja khyonçugga dzadte khyozharangun mi soma rigga gyurra dzadcugshig. Tene khyozhagunni phia Konchoggi thuggoŋspo gyuschen, kabo zanpo, thadpo tarj skyonmed innog.

³ Daa salla dzadkhanni thugrjee gyudte, ŋe khyozhaa rere zerrad, khyozharan denba inkhanboe sarj gyaspa rig in sam magos. Khyozhagunni Konchoggi salkhanni tadpe tabcessi tshadpo kolte, khyozharanja thimscad zane, tarjpo zershig. ⁴ Kazuggi ŋadangunni zugspoa yanlag marjpozhigh yod, yarj reree soso las rig coanog. ⁵ Tenna tsogspo mashike skuzugs, ŋadaranji chostshogspo innog. Dadangun zugspo ciggi yanlag marjpozhigh innog, yarj ŋadarj tshanma cig tarj ciggi innog.

⁶ Konchoggi khonranji thugrje narzhin ŋadangunla khyud snatshogs rig salla dzadte innog. Kaltes mizhigga lunstan shadcessi khyud yodna, tebo khoa, khoranji tadpa tarj stunte kolcug. ⁷ Kaltes tebo zhabstog zhuces inna, khoa zhabstog zhucug. Kaltes tebo labzha tarjces inna, khoa labzha tarjçug. ⁸ Kaltes tebo spospa tarjces inna, khoa spospa tarjçug. Kaltes tebo zhanmagunla rogs coces inna, khoa snyin pheste cocug. Kaltes tebo chostshogsla gothid coces inna, khoa te khagpo ma stonçus nyampo cocug. Kaltes tebo snyinrje stances inna, khoa thadpo nyampo cocug.

⁹ Zhanmagunla cespa cozun matarja, denba cespa coshig. Danpa tshanmala naphrad coshig. Zanpo inkhanboa thamste dugshig. ¹⁰ Cig tarj cigga ŋosme miŋŋin tsogs cespa coshig. Cig tarj cigga ranji sarj marja stsiwa coshig. ¹¹ Lasmilam magyurra, stsonçus ŋante coin, Tsooa zhabstog, dodpa chenmo nyampo zhushig. ¹² Rewe narja gamo coshig. Nagssi narja zodpa ghomshig. Moslam zhuces mane mapharshig. ¹³ Konchoggi migun ghosdommi narja yod zane, khongunla rogs cocesla çaldig dugshig. Ranji kharja tusgyun bespagunni phia pheste borshig.

¹⁴ Khyozhaa rdugnal stankhangunla cinlabs tonshig, tegunla ŋan matabshig. Konchoggi khongunla cinlabs salla dzadcesla moslam phulshig. ¹⁵ Skyidpo cokhangun nyampo skyidpo coshig. Rdugpo cokhangun nyampo rdugpo coshig. ¹⁶ Cig tarj cig nyampo thunte dugshig. Phoso matshorra mi nyamshungun nyampo deshesla thadgos. Yarj khyozhagunla citshanma shessad masamshig.

¹⁷ Danpa cokhanzhiggi lanla ŋanpa macoshig. Zhanma tshanme stsiwacan thekhanni las rig coshig. ¹⁸ Tshanma nyampo zhidee narja dugcesla khyozhe stsonçus ŋante coshig.

¹⁹ Cespe dzaogun, ŋanpa lan matarja, tebo Konchoggi thugssøe phia borshig, ciazerna dampe surrabssi narja molte innog,

"De lantanjin.

De khongunla logste lantanjin."

Tsooe mols.

²⁰ Matshad lanni tshabsla,

"Kaltes khyozhe çaogun stogssadna,

Khongunla zaces tonshig.

Kaltes khongun skomssadna,

Khongunla thuncesla chu tonshig.

Tezug cocesne, khyozhe khongunni semssi nanja

Fhelbe barin yodkhanni sollabo spunste innog.²¹

²¹ Khyozheka nanpaa gyalthob macugshig, innar las zanpo gyudte khyozhe khyozharanja nanpe kane gyalthob cugshig.

Waṅsulpe waṅji yogga dugshig.

13:1 ne 7

13¹ Khyozhaa tshanma waṅsulpagunni waṅji yogga duggos. Konchoggi Idamma dzadkhanbo manpa, yar waṅzhig medte innog. Dagsa waṅsulul yodkhangun Konchoggi Idamma dzadte innog.² Teboephia suzhiggi waṅsulpagunni gyabgal coadna, khongunni Konchoggi Idamma dzadkhanboe gyabgal coste innog, yar tezug cokhangunla chadpa phogin.³ Waṅsulhangunni zanpo cokhangunni nanja manpa, nanpa cokhangunni nanja jigsnar khyonjanog. Khyozhaa waṅsulhangunni kane jigsnar medpa dugnyin ragga? Zanpo inkhanbo coshig, tene khongunni khyozhagunla stsiwa coin.⁴ Khongun Konchoggi zhabstogpa khyozhagunla phanthogs cocesla kalla dzadkhangun innog. Kaltes khyozhagunni nanpa las coadna jigsgos, ciazerna khongunla chadpa tancessi war yodte innog. Khongun Konchoggi zhabstogpa, nanpa cokhangunla chadpa tanjala lamcugkhangun innog.⁵ Teboephia khyozhagunni chadpane tharces cigpo manpa, ranji semssi nanja nonj medcessi phia khongunni waṅji yogga duggos.

⁶ Tenna gyuntshanboe phia khyozhagunni thalgun shallanog, ciazerna waṅsulhangun Konchoggi zhabstogpa innog, yar khongunni tus ganpo migunni zhabstoggi phia tanjanog.⁷ Waṅsulghan tshanmaa tangoshessi ospa inkhanbo tonshig, sperna thal shalgos yodna sholshig, zhanyar pene shalgoshesgun yodna sholshig, stsiwa tar kuspa tangoshescangunla stsiwa tar kuspa tonshig.

Konchoggi ghosdom tshanma cespe dub cugganog.

13:8 ne 14

⁸ Cig tar ciggi parla cespa cocespo manpa, zhanyar bulonzhig lus magos, ciazerna zhanmagunla cespa cokhanni miboe thimsgun danda dubcugste innog.⁹ Kagyagun ni: "Ranji zhidmad manpa zhanma nyampo lusdel maco," "Misad magos," "Shu magos," "Zhanmaa yodkhanboe dodpa co magos^a," tegun tar zhanyar kagya tshanmaa i kagya cigpoe nanja dorduste innog, "Ranja camspa cokhan tsogs khyoranji khyimtshepar camspa cos^b." ¹⁰ Camspe, zhanma nodpa skyalla manog sonpasar, camspe Konchoggi thimssi ghosdomgun danda dub cugganog.

^z12:20 tamspee speche 25:21,22

^a13:9 binje chakhanni speche 20:13 ne 15, 17

^b13:9 thimssi specha tanpoe 19:18

¹¹ Tezug cocespo maŋŋa khagcan innog. Tuspo budin chakhan yaŋ khyozhaa gorte inkhanbo khyozhagunla gyusinog. Nyidne loŋshig, ciazerna goma ŋati tadpa cokhanni tuspoe saŋ, dagsa ŋadaŋgun tharpaboe maŋŋa nyemoa lebste innog. ¹² Tshanbo bud tsharkyis soŋte tharpe zhagpo gyogspa lebces yod pasaŋ, khyozhagunni mundiggi lasgun pharŋste oddi idaŋshan magchagun gonshig. ¹³ Dadanŋun nyima idaŋshanni incespoe, ŋadaŋgunni mitshe lagmozhiŋ phudshig. Sperna doŋtanŋin rarosshessi zasgun lente tanba stor micugces taŋ chaŋ maŋpo thuŋste ra mirosshes, lusdel ŋanpa taŋ ospe lusdelli tshadne thalte micoces, dziŋmo mitaŋces taŋ stsig mistsigces. ¹⁴ Teboe tshabsla, khyozhaa raŋdaŋraŋŋa Tsoo Yeshu mashike scodlamgun Koslag tsogsla gonshig, yaŋ sdigpe dodpagun kazuggi daŋdaa doŋbcugcessi samba khyozhe naŋŋa yoŋ macugshig.

Tadpe naŋŋa shugsmed taŋ shugscan.

14:1 ne 23

14 ¹ Tadpe naŋŋa uthugs yodkhangun khyozhagunni toa ŋes, innaŋ khongunni samtshul kabo semsnyiddi thogne khagcan man tegunni skorla dziŋmo mataŋshig. ² Sperna mi ciggi tadpe khoa citshaŋma zanaŋ chogs zerranog, innaŋ tadpa uthugs yodkhan yaŋmizhiggi, tshodma mane zaa manog. ³ Citshaŋma zakhangunni tshodma mane mazakhangunla nyamshuŋ stsiwa medkhan tsogsla staa magos. Yaŋ sha mazakhangunni, zakhangunla sdigpa coste innog zerte nyadgal kal magos, ciazerna Konchoggi khongunla gasus zhua dzadte innog. ⁴ Zhanmazhiggi zhabstogpa zhigga thimscad taŋkhan khyoraŋ su in. Khongun noŋsmed inna man, tebo khoranŋunni sponboe thagcad salin. Yaŋ khongun noŋsmed lusin, ciazerna Tsooe, khongun noŋsmed conyanna dzaddanog.

⁵ Mi ciggi, zhagcig yaŋzhaggunni saŋ maŋŋa dampa theanog. Zhanyaŋ mi ciggi, zhag tshaŋma tsogs theanog. Khyozhaa reee raŋraŋŋi samkhanboeka stanpo yoŋgos. ⁶ Zhagcig khagcan theste Tsooa colkhangunni tebo khorŋa stsiwa phulcesla coanog. Sha zakhangunni Tsooe stsiwe naŋŋa zanog, ciazerna khongunni ze saŋ sŋunla Konchogga thugrjeche zhuste innog. Yaŋ sha mazakhangunniar Tsooe stsiwe naŋŋa sha zaa manog yaŋ khongunni Konchogga thugrjeche zhuanog. ⁷ Dadanŋun ŋadaŋraŋŋi phia sotea dugga manog, ya ŋadaŋraŋŋi phia shia manog. ⁸ Kaltes ŋadaŋgun sonte mitshe phuddadna, tebo Tsooa stsiwe phia innog. Ya ŋa kaltes ŋadaŋgun shina teboar Tsooe stsiwe phia innog. Teboephia ŋadaŋgun sotea yoddo ya shite, ŋadaŋgun Tsooe innog. ⁹ Shikhan taŋ sonte nyiskoe Tsoo gyurcessi gyuntshanboe phia, Mashika toŋssa dzadte yaŋskyar sotea zhaŋssa dzads.

¹⁰ Tene ciphia khyoraŋŋi spunzhigga skyon kallad. Yaŋ khongunla nyamshuŋ stsiwa medkhan tsogsla cia stad. Idu coshig, ŋadaŋ tshaŋma Konchoggi thimscaddi zhugsthissi dunla laŋgossanog. ¹¹ Dampe suŋrabssi naŋŋa molte innog,

"Tsooe mols, 'Kazug ŋa sotea yodkhanbo denba in,

Pigmo tshugste tshaŋme ŋaa chagphulin.

Lce tshanme stodpa phulin ña Konchog inkhanboe sparpo tarjin^c. "

¹²Tennaboephia ñadar rerea Konchoggi skundunla ranranji cokhan tshanma shadgossanog, tene khonji thimscad dzadin. ¹³Sonpasan cig tar cigga skyonrjod macoshig. Teboe tshabsla, zhanma tadpacanzhig ghaggyabste gyel micugcessi mitshezhi phudshig.

¹⁴Da gyusyod, yar Tsoo Yeshui wanji nanja zacesi rigs tshanma tshitu mankhanbo ña tantanla lokhyel rag. Innar kaltes suzhiggi tebo stsanma manog samna, tene khoe phia tebo stsanma manog. ¹⁵Kaltes khyozhe zacespoe, zhanyar spunzhigga semphams chacugna, tene khyozhe cespe nanja las macoa innog. Khyozhagunni zacespoe, khyozharanji spunzhiggi tadpa medkhan macoshig, kaboe tonla Mashika tonssa dzads. ¹⁶Khyozhe gyalla innog samste cokhanboa suzhiggiar skyonrjod co macugshig. ¹⁷Konchoggi gyalñiddi nanja khagcanbo ni, zaces tar thunces manpa, dampe thugnyiddi nanja zhide tar skyidpoe mitshe tarpozhi phudcespo innog. ¹⁸Kaltes khyozhagunni tezug mitshe phudin Mashika zhabstog zhuna, khyozhagunni Konchog thugsthad cugganog, yar zhanmagunni khyozhagunla stsiwa coin. ¹⁹Dadangunni chostshogssi nanja zhide khyonces tar Tsoo nanja cig tar cig ldancugcessi nanja santhe stsonñus coin.

²⁰Zaceshiggi tonla Konchoggi chaglaspo medkhan maco. Zaces tshanma stsanma innog. Innar khyozhe zacespoe zhanmizhi tadpe nanja ghaggyabcuggadna, tene tebo gyallazhi coste manog. ²¹Sha zaces ya char thunces ya zhanyar lasgunni, khyozharanji spunzhigga tadpe nanja ghaggyabcuggadna, tene tegun macona manja gyalla innog. ²²Te tshanme skorla khyozhagunni tadpa cokhanbo Konchog tar khyozharanji parla borshig. Zanpo in samste cokhanni laspoeka nonscan matshorkhangun, tsamshiggi cinlabscan manog. ²³Innar thetshoms yodte zakhanni miboe sdigpa coste innog, ciazerna khoe te zanbo tadpa coste maza innog. Yar khyozhe coskhan tshanma tadpa gyudte manna, khyozhagunni sdigpa coste innog.

Zhanme phanthogssi phia mitshe phud.

15:1 ne 13

15 ¹Dadar tadpe nanja shugscan yodkhangunni, ñadarangun thadcugces manpa, tadpe nanja uthugs yodkhangunni ghosdommi skorla samba tarngoshes innog. ²Dadangunni zhan spungunni phanthogssi phia rogs coste khongun Tsoo tadpa cocessi nanja ldancuggos. ³Idu coshiggar, mashikear khonran thadcugcesla mitshe phudda madzads. Kazug dampe surrabssi nanja molte innog, "Te tshigs, kagun Konchogga taran tarja kols, tegun ñeka babste innog."^d ⁴Dadangunla labcessi phia te tshanma dampe surrabssi nanja ñia dzadte innog. Konchoggi zhalchadgun ñubcesla ñadar zodpa nyampo surñste yod zane, dampe surrabssi ñadarña rewa tar spospa tarñanog.

^c14:11 yeshaye speche 45:23

^d15:3 sunñurri speche 69:9

⁵ Snyirrus tarj spospa salla dzadkhanni tenna Konchogpoe khyozhagun cig tarj cig nyampo thunte dugcesla rogs dzadshig, kazug Mashika Yeshui gyabne dulkhangun yongoshes innog. ⁶ Tene khyozhaa tshanma cigdil sonje skadciggi narja ndangunni Tsoo Yeshu mashike yab Konchogga stodpa tarj spal gun phulnyanin.

⁷ Mashike khyozhagunla gasus zhua tsogsla, Konchoggi spalli phia khyozhagunni spun tshanmaa yaphes medpa gasus zhushig. ⁸ Idu coshig, Konchog Yahudapagunni phamespogunla zhalchad dzadkhanboe narja idshescan zhugste inkhanbo stanna dzadcesla, Mashika Yahudapagunni zhabstogpa zhiggi tshulla skyodda dzads. ⁹ Yahudapa mankhangunla snyirjee dzadcespoe khongunniarj Konchogga spal phulin. Kazug dampe sunrabssi narja diadzadte innog,

"Teboephia, ne nyerarja Yahudapa mankhangunni toa stodpa phulin.

De nyerarji tshanla stodpe lu phulin.^e"

¹⁰ Dampe sunrabssi zhan nassazhiggika molte dug.

"Yahudapa mankhan, khyozhagunni

Khongji migun nyampo gamo coshig.^f"

¹¹ Yarj zhan nassazhiggika molte dug.

"Khyozhaa Yahudapa mankhan tshanme Tsooa stodpa phulshig.

Yarj jigstenpa tshanme khongja stodpa phulshig.^g"

¹² Yarj zhan nassazhiggika lunstonpa yeshaye mols,

"Dabiddi this norskalla thobcescanbo skyodin

Yarj khongji Yahudapa mankhangunnika wanşulin.

Tegunni khongjika rewabo borin.^h"

¹³ Rewa salkhanni Konchoggi khyozhagunni narja gamo tarj zhide skarja dzadshig, ciazerna khyozhe khongjika idshes cos. Tene dampe thugnyid gyudte, khyozhagunni narja rewabo ludte chen.

Paului dia dzadcessi gyuntshan.

15:14 ne 22

¹⁴ De cespe spungun, khyozhaa zarjoe garje yodkhanboeka ja tantanla lokhyel rag. Khyozhagunla tegun ma gyalla coste shes pasarj, khyozhagunni cig tarj cigga teboe skorla labnyanin. ¹⁵ Tenearj khyozhaa idtu skulcessi phia, ne spera khaciggi skorla ma hampa nyampo Griiste in. Ciazhuna Konchoggi thugrjee gyudte ¹⁶ ja, Mashika Yeshui zhabstogpa khyozhaa Yahudapa mankhangunni phia dampe lon khyonkhanbo in. Khyozhagun, Konchoggi thugsthadda dzadkhanni chodpa thea dzadcesla gamoe nastshulbo khyonspin, kagun dampe thugnyid gyudte dampa coa dzadte in. ¹⁷ Konchoggi zhabstoggi narja Mashika Yeshui, ja

^e15:9 sungurri speche 18:49

^f15:10 thimssi specha nyispe 32:43

^g15:11 sungurri speche 117:1

^h15:12 yeshaye speche 11:10

gyudte, dzadkhan tshanme phia na ma thadpo rag. ¹⁸ Tenean mashike, na gyudte, coa dzadkhangunni phia manpa, yan cizhiggar phoso cocessi hampa coamed, kabo ne Yahudapa mankhangunni toa lon tar las cotshul gun gyudte, khongunla Konchoggi narha tadpa cocugespo in. ¹⁹ Halasshessi ltasgun tar staggunni shugs yan dampe thugnyiddi shugs gyudte, khongunni ne lon tarpo inkhanboeka lokhyels. Tenna tshulla ne mashike gamoe nastshul ganpo Yerushalemmi gyalsane Ilirikammi gyalsa tshogpa shadpin.

²⁰ Zhanmazhiggi magldan tarshkanboeka mistsigcessi phia ne mashike tshan mane mitshorse nassagunni narha gamoe nastshul shadcespo ni, tusgyun ne migzhi inpin. ²¹ Kazug dampe surrabssi narha molte dug,

"Kagunla khonji skorla mane mashads tegunni khonj jalin

Yan khonji skorla mane matshorkhangunni hagoiin."

²² Tennaboephia na khyozhagun yodsa yoncespo gorte innog, ciazerna na te nassagunni narhar chos shadgoste innog.

Paului Romma chacessi thabldiŋs.

15:23 ne 33

²³ Innar ta ne i yuljonsgunni narha lasgun cotshar. Yan lo manpozhighne pharla khyozhaa thugcesla riŋsin yodpa, ²⁴ na Spenni yulla cha zane, khyozhaa thugga yonjin. Teru cha zane na khyozhaa yodsa dugste khyozhagun nyampo skyidpoe tusshig phudin. Yan ne Spenla chacessi besi ghosdomgunni narha khyozhe rogs conyanin.

²⁵ Innar na yonji sar snunla, Yerushalemmi narha yodkhanni tadpacangunla rogs khyerrala chagoshes yod. ²⁶ Makedoniya tar akayi tadpacangun, Yerushalemmi tadpacangunni toa yodkhanni nyalbacangunla, rogs coste pene kalcesla thadpo yodte innog. ²⁷ Khongun te coskhanboeka maŋante thadpo innog, ŋospoa khongunni tebo bulonzhig shalgoste innog. Kaltes Yahudapa mankhangunni, Yahudapangunla Konchoggi cinlabs thobkhangun goadna, tene khongunla yodkhanni norgunnaŋ Yahudape tadpacangun nyampo gogos. ²⁸ De i pene ldukhanbo khongunla tarste nararji khagpo danŋaa dūbcugste stiŋne, Spenla cha zane, na khyozhaa thugste chen. ²⁹ Yan naa tantan rag, na khyozhaa yodsa lebste narangun nyampo yodkhanni tuspoa mashike, cinlabs manpo salla dzadin.

³⁰ Cespe spungun, ne khyozhagunla Tsoo Yeshu mashike narha spospa tarjin, ne bardoe tusla ne phia Konchogga moslam phulcesla zhuwa phullad. Dampe thugnyiddi salla dzadkhanni khyozhagunni cessa, ne phia yodcespoe tebo coshig. ³¹ Yahude narha yodkhanni Yahudapa tadpa medkhangunni kane na skyobcesla Konchogga moslam zhushig. Yan ne Yerushalemma khyercescanni rogssi penebo teru yodkhanni tadpacangunni thadpo nyampo lenceslar moslam zhushig. ³² Tene Konchoggi thuggonŋs yodna, na khyozhagun yodsa semsthadpo nyampo yonjin, yan narangunni cig tar cigga spospa tar thubin.

ⁱ15:21 yeshaye speche 52:15

³³Zhidee Konchog khyozhaa tsharjma nyampo zhugsshig, amen.

Paului khoranji dzaogunla ju zhus.

16:1 ne 16

16¹ De n̄adangunni spunmo Phobi skorla shaddad. Kho kencree chostshogssi nan̄ja zhabstogma zhid innog. ² Konchoggi migunni ʔoa stsiwe ospacan, te bumobo Tsooe incespoe gasus zhus. Khoa ghosdom yodkhangunni nan̄ja rogs coshig, ciazerna khoe man̄pozhiḡga rogs coste innog, migsalli n̄aa.

³ Risila tan̄ khoe magpa Akuilaa, n̄e ʔopa Mashika Yeshui las cokhangunla ju zhus. ⁴ Khon̄gunni n̄e phia khoran̄gunni soḡpoan̄ jigspe nan̄ja tan̄s. Da matshad Yahudapa man̄khangunni chostshogs tshar̄mear̄ khon̄gunla thugrjeche zhudug.

⁵ Khon̄gunni khan̄pe nan̄ja dzomin yodkhan̄ni chostshogsan̄ n̄e ju zhus.

De cespe dzao Ephinetusan̄ ju zhus. Kho ni Asiae yul̄jon̄ssi nan̄ne mashike gyabne ʔulkhan̄ tan̄poran̄ in. ⁶ Khyozhagunni phia maṣan̄te las coskhan̄ spunmo Miryamma n̄e ju zhus. ⁷ De ʔopa Yahudapa en̄ḡonikas tan̄ Yunia gunla ju zhus, kagun n̄a nyampo tsonkhan̄ji nan̄ja yodpin. Mashike skutshabsgunni khon̄gunla ma stsiwa coanog, khon̄gun n̄e san̄ sn̄unla mashike gyabne ʔulkhan̄ rig gyurte inpin. ⁸ Tsooe inkhan̄ n̄e cespe dzao Empiliatusan̄ ju zhus. ⁹ Mashike nan̄ja las cokhan̄ n̄azhe ʔopa spun Urbanus tan̄ n̄e cespe dzao Stagisan̄ ju zhus.

¹⁰ De mashike zhabstoggi nan̄ja idshescan̄ theakhan̄ Apilesa ju zhus. Yan̄ Aristobuussi khan̄pe nan̄ja dugkhan̄ni tadpacangunlan̄ ju zhus. ¹¹ De Yahudapa ʔopa Herodionlan̄ ju zhus. Narsisussi khan̄pe nan̄ja dugkhan̄ni Tsooe migunlan̄ ju zhus. ¹² Tsooe phia las ṣan̄te cokhan̄ spunmo ʔephina tan̄ ʔephosa gunla yan̄ Tsooe phia maṣan̄te las coskhan̄ spunmo cespe Parsisan̄ ju zhus. ¹³ Halasshescan̄ Mashikapa, spun Ruphus tan̄ khoe ama, kaboe n̄a butshaa tsogs theadpin, khon̄gunlan̄ ju zhus.

¹⁴ Asint̄itus, Philigon, Harmes, Petobas, Harmas, yan̄ khon̄gun nyampo dzomkhan̄ni spungunla ju zhus. ¹⁵ Philologus, Yulia, Nirus tan̄ khoe ṣin̄mo yan̄ Olimpas tan̄ khon̄gun nyampo dzomkhan̄ni tadpacan̄ tshar̄malar̄ ju zhus. ¹⁶ Cig tan̄ cigga camspa nyampo ju zhus. Mashike chostshogs tshar̄me khyozhagunla ju zhurug.

Paului stinjuggi labzha.

16:17 ne 27

¹⁷ Yan̄ n̄e cespe spungun, i zhuwabo nyancesla n̄e spospa tan̄dan̄. Chostshogssi nan̄ja popudkhan̄ tan̄ khyozhe lobskhan̄ni labzhe gologpo labkhangunni kane san̄ coshig. Khon̄gunne thagr̄n̄ja dugshig. ¹⁸ Te migunni n̄adangunni Tsoo Mashika zhabstog mazhua, khon̄ran̄gunni phanthogssi phia las coste innog, sperna khaspa spera tan̄ Ice kolte khon̄gunni non̄smed migunla gobskor tan̄janog. ¹⁹ Innan̄ khyozhagun Tsooe khanyankhan̄ inkhan̄bo tshar̄mala gyusinnog, teboe n̄a mathadpo yon̄cugs. Khyozhagun zan̄po cocessi nan̄ja shesrabscan̄ tan̄ n̄an̄pe thogne non̄smed yon̄goshespo n̄e dodpa in. ²⁰ Zhidee Konchoggi gyogspa shetan̄

khyozhe kanpe yogga thestor coa dzadin. Dadanġunni Tsoo Yeshui thugrjebo khyozhagun nyampo lusshig.

²¹ De topa las cokhan Timothii khyozhagunla ju kaldug, tenna tsogsla Lukeus, Yason taŋ, Sosipatar ne topa Yahudapa spungunniaŋ ju kaldug.

²² Paului phia i ige dikhan ŋa, Tartius Tsooe gyabne dulkhanboeŋ ju kallad.

²³ Gayussi khyozhagunla ju zhurug. Khoe ŋa khoranġi khaŋpaa dugcugin innog, yaŋ iru yodkhanni chostshogs gaŋpoaŋ khoranġi khaŋpe naŋŋa dzomcugin innog. Erastus, gyalse baŋdzoddi khagk hurpa taŋ ŋadannunni spun Kyortus gunni ju kaldug. ²⁴j

²⁵ Ta Konchogga stodpa phulshig. Khoŋ ni khyozhagun tadpe naŋŋa shedcan dzadthubkhan in, kazug ne gamoe nastshulli naŋŋa shads. Yeshu mashike skorla i lonboe, khyozhaa Yahudapa mankhanguŋni phia khoŋŋi thabldiŋspo sŋon cugga dzads, kabo tussi gozugne pharla saŋwe naŋŋa borra dzadte yodpin. ²⁶ Innaŋ Yahudapa mankhan tshaŋme tadpa coste khanyancessi phia dagsa thamedpe Konchoggi ka salte, luŋstonpagunni luŋstangun gyudte, khoŋgunla te lonbo sŋon cugga dzadte innog. ²⁷ Yeshu Mashika gyudte shesrabscanni Konchog cigpoa tusgyun spal thobshig, amen..

^j16:24 sŋunme speche khaciggi 16:24 naŋŋa izug Griiste dug "Dadanġi Tsoo Yeshu mashike thugrje khyozhaa tshaŋma nyampo lusshig, amen.